

000366

069479

上錦囊秘錄

YUNNAN



1960

侯八松
 之
 草霜

海鹽馮兆張楚瞻南纂輯

門人王崇志慎初仝較

孫 達惟良

草部

何首烏 稟春深生氣而生味苦澁微温無毒春為木化入通於血外合於風升也陽也

交合之象故能令人有子肝主血腎主精益二經則精血盛髮者血之餘也故為鬢其主瘰癧者肝膽氣鬱結則內熱榮氣壅逆發為是病十一臟皆取決於膽與肝為表裏為少陽之經不可出入氣血俱少乃風木所主行膽氣益肝血則瘰癧自消矣調榮氣則癰腫消治風先治血血活則風散故療頭面風瘡腸澀為痔痔者濕熱下流傷血分而無所施洩則通近肛門肉分迸出成形矣風能勝濕濕熱解則痔自平心虛則內熱熱則心搖搖而作痛益血則熱解而痛除益血氣黑鬢髮悅顏色久服長筋骨益精氣延年不老者皆補肝腎益精血之極功也亦治婦人產後及帶下諸疾者婦人以血為主月事通調厥陰主之帶下本於血虛而兼濕熱行濕益血靡不除矣但為養榮益血之藥忌與天雄烏頭附子仙茅薑桂等諸燥熱藥同用修事以苦竹刀切片米泔浸經宿曝乾九蒸九晒用勿令犯鐵兼與蘿菔相惡令人鬢白髮早

何首烏主瘰癧癰疽頭面風癩長筋骨悅顏色益血氣止心疼補真陰理益痘久服添精令人有子消五痔黑鬢髮強精益髓婦人帶下總功能調和血氣久瘧久痢氣血先和諸病用此以建神功肝腎二經之藥甘温祛風益血收瀦又能斂陰年深大者收採精製久服延年今人不老至於外敷熨皮裏作痛可驗活血養血之極功矣不問何處用首烏為末姜汁調成膏塗之以綿裹住免鞋底熨之



何首烏傳何首烏味甘氣溫性則無毒茯苓為之使治五痔腰膝之病冷氣心痛積年勞瘦痰癖風虛敗劣長筋力益精髓壯氣駐顏黑髮延年婦人惡血痿黃產後諸疾赤白帶下毒氣入腹久痢不止其功不可具述一名野苗二名交藤三名夜合四名地精五名首烏本出虔州江南諸道皆有之苗葉有光澤者又如桃李葉雄者苗色黃白雌者黃赤根遠不過三尺春秋可採日乾去皮為末酒下最良有疾即用茯苓煎湯為使常杵末新甕器盛用偶日服之忌猪肉血無鱗魚觸藥無力其根形大如拳連珠有形如鳥獸山獄之狀者珍也掘得去皮生喫得味甘甜可以休糧讚曰神妙勝道者在仙書雌雄相交夜合晝疎服之去穀日居月諸返老還少變安病軀有緣者遇勗爾自知明州刺史李遠傳錄何首烏所出順州南河縣及韶州潮州思州賀州廣州四會縣潘州者為上邕州桂州廉州春州高州勒州循州晉興縣出者次之真仙草也五十年者如拳大號山奴服之一年鬢髮青黑一百年者如碗大號山哥服之一年顏色紅悅一百五十年者如盆大號山伯服之一年齒落更生二百年如斗栲栳大號山翁服之一年顏如童子行及奔馬三百年者如三斗栲栳大號山精純陽之體久服之成地仙也

主治合參疹治痘榮血不足過期不斂及久痢久癰甚宜

按首烏補陰而不滯不寒強陽而不燥不熱稟中和之性得天地之純氣者也昔有老人何姓見藤夜交掘而服之鬚髮盡黑故名首烏後陽事大舉屢生男子改名能嗣則其養陰益

腎可見矣。但熟地首烏。雖俱補陰。然地黄稟仲冬之氣。以生蒸晒至黑。則專入腎。而滋天一之真水矣。其兼補肝者。因滋水而旁及也。首烏稟春氣以生。而為風木之化。入通於肝。為陰中之陽藥。故專入肝經。以為益血祛風之用。其兼補腎者。亦因補肝而旁及也。一為稟精先天真陰之藥。故其功可立散孤陽亢烈之危。一係調補後天榮血之需。以為常服長養精神。却病調元之餌。先天後天之陰不同。奏功之緩急輕重。亦有大異也。况名夜合。復名能嗣。則補血之中。復有補陽之力。豈若地黄專功滋水。氣薄味厚。而為濁中濁者。堅強骨髓之用乎。此張心得之見。乃古哲未為縷析。今人混用補陰。不亦誤甚。

○遠志

感天之陽氣。得地之芳烈而生。故味苦辛溫。無毒。春陽草也。而入腎經。復走心脾三經之藥也。米泔浸洗。搗去心。甘草濃汁煮透。晒乾用。

遠志能去邪夢。定心神。增氣益智慧。不忘。仍利九竅。亦補中傷。效逆驚悸。並啟強志益精。禁夢遺精滑。斂心固腎。令耳目聰明。治小兒驚癇。客忤。婦人血噤失音。功崇補心。下以濟腎。若一切癰疽發背。從七情憂鬱而得者。單煎酒服。其滓外敷。投之皆愈。苦以泄之。辛以散之。之力也。

主治

痘疹後心邪不安。用以寧神定志。及被驚者宜之。按遠志入腎。非心藥也。故能強志益精。最治善忘。蓋精與志皆腎所藏者。精虛則志衰。不能上通於心。故善忘。靈樞經曰。腎藏精。精合志。腎盛怒而不止。則傷志。志傷則喜忘。人之善忘者。上氣不足。下氣有餘。腸胃寔而心虛。虛則榮衛留於下。久之不以時上。故善忘也。苦味中兼辛。故又能下氣而走厥陰。經曰。以辛補之。此水木同源之義也。

精最治善忘。蓋精與志皆腎所藏者。精虛則志衰。不能上通於心。故善忘。靈樞經曰。腎藏精。精合志。腎盛怒而不止。則傷志。志傷則喜忘。人之善忘者。上氣不足。下氣有餘。腸胃寔而心虛。虛則榮衛留於下。久之不以時上。故善忘也。苦味中兼辛。故又能下氣而走厥陰。經曰。以辛補之。此水木同源之義也。

○石菖蒲正稟孟夏大陽之氣而合金之辛味以生其味苦辛其氣大溫陽精芳草故無毒

凡使勿用泥菖夏菖如竹根鞭形黑色氣穢味腥不堪宜采石上生者根條嫩黃緊硬節稠一寸有九節者佳銅刀刮去皮節以嫩桑條拌蒸晒乾對用

石菖蒲主手足濕痺可使屈伸貼發背癰疽能消腫毒下氣除煩悶殺蟲愈疥瘡消目翳去頭風開心口聲音通竅益智慧耳聾耳鳴尿遺尿數腹痛或走者易效胎動欲產者能安鬼擊憎死難甦急灌生汁溫瘧積熱不解宜浴濃湯單味酒煎療血海敗并產後下血不止細末鋪卧治遍身毒及不癢發痛瘡瘍總陽氣開發故外充百骸辛能四達走竅散結為通利心脾二經之要藥也

主治合參凡痘疹驚癇神昏譫妄者可用及痘後不着痂潰爛成瘡疥者宜入丸用但芳草味辛多散陰血不足心氣不斂者禁之

按芳香利竅能佐地黃天冬之屬資其宣導臻於太和多用獨用終為氣血之殃

○石斛稟土中冲陽之氣兼感春之和氣以生故其味甘平而無毒氣薄味厚陽中陰也入足陽明足少陰亦入手少陰足太陰脾胃心腎四經藥也宜擇其形長而細其味不苦而甘中堅寔者良酒洗晒乾用勿誤用木斛味大苦餅之損人

石斛却驚定志益精強陰壯筋骨補虛羸健脚膝肢冷痺皮外邪熱胃中虛火厚腸胃輕身長肌肉下氣但氣力淺薄得參耆便能奏功專倚之無捷效也

主治合參入胃清濕熱故理痺症泄瀉入腎強陰故理精衰骨痛其安神定驚者亦清熱強陰之力兼入心也痘後調理藥中多用總平胃氣之至藥宜形長色黃而細且堅味甘不苦者為

真擇取新者去枝節酒洗蒸過用。

○知母稟天地至陰之氣故味苦微甘氣寒而無毒入手太陰足少陰經○入清熱藥用宜生入滋腎藥用宜蒸酒拌炒

知母補腎水瀉無根火邪消浮腫為利小便佐使初痢臍下痛者能却久瘧煩熱甚者堪除治有汗骨蒸熱癆療往來傳屍症病潤燥解渴止欬消痰上清肺金而瀉火下潤腎燥而滋陰為

三經氣分藥久服不宜令人作瀉

主治痘疹治痘陰火上潮諸熱不退口渴好飲冷水瀉氣分中之火然疹家多用治痘惟宜於

痘後養陰退陽

按知母瀉腎經有餘之火惟狂陽亢甚者宜之若腎虛而瀉之則愈虛而虛火愈甚况寒能

傷胃潤能滑腸其害人也隱而深譬諸小人陰柔巽順深受其禍莫覺其非也

○菊花生於春長於夏秀於秋資乎土得天地之清獨稟金精專制風木味苦甘兼辛氣平無毒○凡採須陰乾若入補養藥去心蒂蜜酒拌蒸晒乾用若入去風熱劑中生用

菊花毆頭風止頭痛眩暈清頭腦第一養眼血收眼淚翳膜明眼目無雙散風淫濕痺除皮膚

死肌利一身血氣逐四肢遊風療腰痛去來退胸中煩熱歷春夏秋三時得天地之清芳稟金

精之正氣故能平肝生水降火明目也且氣性輕揚故主用多在上部同枸杞便能助腎矣以

單辨味甘者入藥黃者入陰分白者入陽分可藥可餌可釀可枕本經列之上品葉救垂死

疔腫即活

主治痘疹治痘熱毒入眼專能明目去翳膜同歸地又能補眼血涼血矣其青葉治諸疔危急者用之即愈以葉搗

爛入酒絞汁飲之其渣敷於毒上神效

〇〇〇 免絲子

稟春末夏初之氣以生凝乎地之冲氣以成感秋之氣而寔故味辛甘平無毒為脾腎肝三經氣分要藥〇宜揀去雜子酒淨去土晒乾炒燥另磨細末即入藥餌勿使出氣功力大見若照古法酒浸數日煮搗成餅則酸臭不堪甚失冲和馨香之味故多無效况生成內含細絲非酒浸成絲者古人因難於磨細故設法成餅莫若多料另磨則氣味得矣

免絲子益氣強力補髓添精虛寒膝冷腰疼鬼交夢遺精滑肥健肌膚堅強筋骨續絕傷強陰莖溺有餘瀝寒精自出五勞七傷口苦燥渴稟中和之性假氣而成溫而不燥不助相火誠補腎中元陽之聖藥也但腎家多火強陽不痿者大便燥結者宜忌之

主治痘疹合參治痘瘡癢塌虛寒腰痛膝冷明目稀痘

按免絲子稟中和之性凝正陽之氣無根假氣以成形故能續補先天元氣宗氣專治腎臟敗傷寒精自出溺有餘瀝溫而不燥補而不滯又能補土之母故進食止瀉並效稀痘丹用之亦培補先天不足之義也然單服偏補人衛氣故古人同熟地名雙補丸同元參名玄免丹即此意也

〇〇 五味子

得地之陰兼乎天之陽氣故味酸微苦鹹氣溫味兼五而無毒陰中微陽人足少陰手太陰血分足少陰氣分為攝氣歸元強陰益精之要藥〇每箇銅刀切作兩片蜜酒拌蒸晒乾焙用

五味子補虛損勞傷收瞳神散大味酸而斂肺氣耗散之金性補而滋腎經不足之水生津止渴益氣強陰瀆精定喘斂汗固陽補虛明目除煩熱而補元陽解酒毒而壯筋骨同乾薑煎治

冬月咳嗽肺寒神效。同黃耆人參麥冬黃栢治夏季神力困乏殊功。或熱嗽而火氣太盛者不可驟用寒涼必資此酸斂然不宜多用反致閉遏誠納氣歸元收肺保腎之要藥也。
主治合疹斂肺氣生津止渴除咳嗽。酸斂滋陰然味酸而收斂痘中不宜惟痘後毒盡可用。至於火盛未清之咳嗽用此斂遏亦非所宜。

按五味子肉酸有餘而甘不足哉。中苦辛而鹹。古人製法擊碎拌以蜜酒蒸之。正補其甘之不足而少解其酸斂之峻驟也。潔古云夏服五味使人精神頓加兩足筋力湧出蓋取五味酸輔人參能瀉丙火而補庚金收斂耗散之氣也。東垣云收瞳神散大乃火熱必用之藥。有外邪者不可驟用。丹溪云收肺補腎乃火嗽必用之藥。寇氏謂其食之多虛熱者蓋以其收補之驟也。若風邪在表痧疹初形一切停飲肺有寔熱者皆當禁絕。

地膚子 味苦寒無毒入脾經

地膚子專利水道去膀胱熱。浴身卻皮膚瘙癢熱疹。洗眼除熱。上音雀盲澁疼。

主治合疹主膀胱熱利小便去皮膚中熱兼解痘毒。

按地膚子氣味苦寒得太陽寒水氣化太陽之氣上及九天。下徹九泉外彌膚勝故能上治頭而聰耳明目。下入膀胱而利水去疝外去皮膚熱氣而令潤澤也。

續斷 得土金之氣兼稟乎天之陽氣以生味苦甘辛微溫無毒入血崩金瘡藥宜生用同熟地滋補藥宜酒炒用

續斷使熟地續筋骨主傷中補不足調血脉專療跌撲折傷消腫毒生肌肉善理金瘡癰毒能

止痛生肌。乳癰瘰癧。殊功。腸風痔漏。立效。縮小便。顯數。固精。滑夢遺。煖子宮。使妊孕。堪久。服氣

力增。胎產崩帶。補勞續傷之要藥。崩中漏血之必需。血痢腰痛。關節緩急。血分傷損。諸疴。

主治。瘧疾功效同前。宜節節斷皮黃皴。而折之。有烟塵者佳。宜酒浸晒乾。用入厥陰。以養肝。入

少陰。以溫腎。入太陰。以養血。活血養血。而兼滋陰。補氣補而不滯。行而不泄。若能堅腎。辛能開

腎。溫能行滯。誠佐助滋補氣血之要藥。

○肉豆蔻。稟火土金之氣。枚味辛。氣溫。而無毒。入足太陰陽明經。亦入手陽明大腸。辛能散

熱積滯方盛。滯下初起。火熱暴注。泄瀉者禁用。宜雙裏火恨槁去油用。

肉豆蔻。溫脾胃。虛冷。心腹脹痛。宿食不消。滑瀉冷痢。尤為要藥。夫土性喜煖。愛香。故肉果與脾

胃最為相宜。

主治。瘧疾。治痘。脾寒。泄瀉。吐逆。咬牙。寒戰之要藥。溫中開胃。消食下氣。言下氣者。以脾得補而

善運化氣。自下也。但瀉痢初起者。及有火者。不可早服。

○白豆蔻。溫感秋燥之令。得地之火。金味大。辛氣大。

白豆蔻。入手太陰肺。別有清高之氣。散胸中冷滯。益膈上元陽。溫脾土。卻疼退目雲。去障止翻

胃。嘔消食積。膨若火升。作嘔。因熱腹痛。肺火痰嗽者。忌服。

○草豆蔻。得地二之火。氣而有金。復兼感乎夏末秋初之令。

草豆蔻。行經。惟脾胃去膈下寒。止霍亂吐逆。毆臍上痛。逐客忤邪傷。酒毒尤消。口臭即解。破滯

散鬱消食化痰祛寒燥濕久服過服耗陰傷肺有血症而陰不足者切戒

〇〇香附子

一名莎草根稟天地溫燥之氣兼得乎土金之味故味苦甘辛微溫無毒人足厥陰氣分亦入手太陰經氣厚於味陽中之陰降也血中之氣藥能行十二經八

脈氣分入涼血藥宜醋浸炒黑入消食去滯藥不製炒黃搗碎

香附子快氣開鬱逐瘀調經霍亂吐逆疏肝運脾宿食可消洩瀉能固便製調血熱經瘀炒黑

禁崩漏下血婦人血氣方中所常用者也開鬱散滯則有功精血枯閉所當忌若月事先期血

虛內熱者禁用時珍曰生則上行胸膈外達皮膚熟則下走肝腎外徹腰足炒黑則止血童便

浸炒則入血分而補虛鹽水浸炒則入血分而潤燥青鹽炒則補腎氣酒浸炒則行經絡醋浸

炒則消積聚薑汁炒則化痰飲得參朮則補氣得歸地則補血得木香則疏滯和中得檀香則

理氣醒脾得沉香則升降諸氣得川芎蒼朮則總解諸鬱得梔子黃連則能降火熱得茯神則

交濟心腎得回香破故紙則引氣歸元得三稜蓬茂則消磨積塊得厚朴半夏則決壅消脹得

得紫蘇葱白則解散邪氣得艾葉則煖子宮乃氣病之總司而俗有耗氣之說宜於女人而不

宜於男子者非也

主治合症開鬱行滯氣消食助胃調經兼能逐去凝血炒黑又能止血能引血藥至氣分而生

血凡血氣藥中所必用婦人之要藥也但性燥而香味辛而苦獨用久用甚能動火耗血不可

不知

按香附子女科仗為主藥者以婦人多鬱多滯耳然味辛性燥多服久服必損氣血若調經

藥中用之。必童便浸炒少差。更兼歸地方無慮也。

○縮砂仁稟天地陽和之氣以生味辛氣溫無毒入足太陰陽明少陰厥陰亦入手太陰陽
結氣滯明厥陰可升可降降多於升陽也辛能散能潤溫能和暢通達故治一切虛寒疑

縮砂仁辛溫香竈補肺益腎和胃醒脾快氣調中通行結滯除霍亂惡心却腹痛安胎溫脾胃
下氣消食治冷瀉赤白及休息痢上氣奔豚鬼疰邪疰轉筋吐瀉胃氣壅滯丹田虛寒能溫脾
胃困乏能醒然未免香燥走竈孕婦氣虛者多服反致難產不可不知若肺熱咳嗽氣虛腫滿
火熱腹痛血熱胎動皆宜禁用

主治痘疹合參去殼炒研用若治孕婦安胎者宜帶殼炒研凡痘腹中虛寒作痛并脾胃氣結滯不
散作悶不思飲食虛冷瀉痢嘔吐消食健胃安胎皆所必用但氣味香燥不利於灌膿之時及
咳嗽喉痛音啞之症均宜切忌倘不得已投於陰虛有火之人宜鹽湯浸炒用之

○霍香稟清和芬烈之氣味辛氣溫無毒氣厚味薄浮而升陽也入手足太陰
亦入足陽明經故治風水毒腫惡氣內侵霍亂腹痛溫中快氣之要藥

霍香揀去枝梗入劑專調脾肺二經理霍亂止嘔吐開胃口進飲食治口臭難聞消風水延腫
以馨香之正氣能辟諸邪以性味之辛溫通療諸嘔但腎熱胃弱作嘔者非其所宜若受寒受
穢腹痛者寔為要藥

主治痘疹合參開胃溫中進食止嘔吐去惡寒

按楞嚴經謂之兜婁婆香稟清和芳烈之氣為脾肺達氣要藥若陰虛火旺胃熱作嘔者戒

之

○龍膽草稟天地純陰之氣以生故其味苦澁大寒無毒足厥陰足少陰足陽

龍膽草止洩痢去腸中小蟲卻驚癩益肝膽二氣胃中伏熱及時行溫熱能除下焦濕腫併酒

疸黃腫堪退療客忤疴氣治癰腫口瘡敵驚癩殺蠱毒酒浸為柴胡輔佐上行治眼目赤疼翳

肉必加翳障通用空腹餌之令溺不禁

主治痘疹專治痘疹目赤腫痛肝膽胃中寔熱宜酒洗晒乾用虛人泄瀉並忌

按龍膽草大苦大寒譬之嚴冬黯淡慘肅萬卉凋殘先哲謂苦寒伐標宜暫不宜久如聖世

不廢刑罰所以佐德義之無窮苟非氣壯寔熱者率爾輕投其敗也必矣

○茵陳蒿感天地苦寒之味兼得春之生氣以生者也其味苦平微寒無毒

茵陳蒿專治黃疸須分陽黃陰黃陽黃熱多有濕有燥濕則佐以枝子大黃燥則佐以枝子橘

皮陰黃止屬寒多須附子共劑總行滯氣解煩熱化痰利濕之要藥入陽明太陰去濕除熱散

結利水之神劑也過用損傷元氣

主治痘疹擇陳久者佳主去濕除熱散結利水化痰行滯凡夏月瘡疹熱甚小便不利者宜用

如痘子癢癢可為薰藥亦以其能去濕熱也

○茜草稟土與水之氣兼得天令少陽之氣以生故味苦寒微酸鹹無毒入足厥陰手足少陰行血涼血之要藥也

茜草療中多蠱毒吐下血如爛肝治跌久損傷凝積血成瘀塊虛熱崩漏不止勞傷吐血時來

女子經滯不行。婦人產後血暈。凡諸血症。並建奇功。除乳結為癰。腫體黃成疸。若雖見血證而泄瀉少食者。忌服。蓋苦寒能傷胃也。

主治痘疹合參治痘乾陷。和酒常常飲之。蓋能涼血行血故也。虛寒者禁之。

鬱金

稟天令清涼之氣兼得土中金火之味故其味辛苦其氣寒而無毒氣味俱薄陰也。降也。入酒亦能升。辛能散。苦能洩。故善降逆氣入心肝胃三經。治鬱結血凝氣滯體。

圓有橫紋如蟬肚尖圓而光明絕微苦中帶甘味者。

鬱金味苦氣寒。服之涼心經而下氣。用之消陽毒以生肌。禁小便尿血。除尿管血淋。敗血氣作痛。破瘀積惡血。止吐血上升。仍散積血歸經。因性輕揚。專治鬱遏殊效。但凡真陰虛極。火炎薄血妄行。而非氣分拂逆。肝氣不平。以致吐血者。不可用也。

主治痘疹合參功效同前。古方用以發痘疹陷伏之症。大抵因瘀血鬱滯者可用。鬱金入心。常行血病。薑黃入脾。兼治血中之氣。蓬朮入肝。治氣中之血。三稜入肝。治血中之氣。然痘瘡始終全賴氣血。凡如此品傷氣及血者。皆所禁用。

按鬱金能開肺金之鬱。故名鬱金。性本峻厲。况肆中常以薑黃代之。攻削峻驟。徒有過而無功。虛人尤宜慎之。

鬱金七兩同明礬三兩為細末。薄米糊為丸。梧子大。每服五十九丸。白湯下。昔人曾治婦人顛狂十年不愈。初服此藥。心胃間有物脫去。即神氣洒然。再服而蘇。此驚憂疾血總聚心竅所致。此藥入心去惡血。明礬化頑痰。故也。又范石湖文集云。嶺南有平生之害。其術於飲食中行。厭勝法。致魚肉能反生於人腹中而死。則陰役其家。初得覺胸腹痛。次日刺人十日。則生在腹中。也。凡胸膈痛。即用升麻。或膽礬吐之。若隔下痛急。以米湯調鬱金末二錢服。即瀉。出惡物。或合升麻鬱金服之。不吐。則下。李巽巖侍郎為雷州推官。鞠獄得此方。活人甚多。

大小蘗稟土之冲氣兼得天之春陽之氣故味甘氣溫一云微寒無毒所稟既

大小蘗又名千針草氣味甘溫養精保血吐血唾咯立除沃漏崩中即止又能破血消腫去蚘

蠍咬毒平熈痛重疽並搗爛絞膿汁半甌攪童便或醇酒飲下但小蘗力微只可退熱涼血不

似大蘗能補養下氣也且僅理血疾不治外科若脾胃虛弱泄瀉不思飲食及血氣虛寒者用

主治痘疹止吐血及婦人痘疹經血妄行者最宜

大黃稟地之陰氣獨厚得乎天之寒氣亦深故味至苦氣大寒而無毒入足陽明太陰厥

陰并入手陽明經氣味俱厚則發泄而入陰分故性猛利下泄兼入血分一切

癥瘕積聚是熱燥結有形之滯推陳致新所至蕩平有戡定禍

亂之功也血枯血閉氣虛氣閉一切無形虛症並宜禁用

大黃欲速生使欲緩熟宜推陳致新蕩滌腸胃消瘀血滾頑痰破積聚止疼散熱毒癰腫消留

飲宿食清痰實結熱性直走而不守瀉諸寔熱不通而心腹脹滿大便燥結號為將軍以其峻

快也然熱在血分者有形之邪可下之熱在氣分者無形之邪不可攻之反傷元氣

主治痘疹功用同前治痘初起熱毒壅盛用以瀉諸寔熱大腸燥結小便不通腹脹煩燥人大

壯寔血熱毒盛者宜之然大傷脾胃不可妄用欲下行者宜生邪氣在上者酒漫用之

穀精草得金氣而生故味辛微溫無毒田中收穀後有之田低而穀為水腐得穀之餘氣

結成此草亦得天地之和氣者與嵩入足厥陰經又入足陽明經補肝氣治目疾

之要藥也辛能散結溫能通達故治風火齒痛喉痺血熱痛痒瘡瘍更所效者入肝而

補益肝氣故治目翳隱澁多淚不開雀盲至晚不見諸疳傷眼猪肝散以此為君痘

斑入目。兔糞丸中必用風火。發為齒痛喉痺亦堪主治。

也。主治合參疹主明目。去膚翳星瘡尤要。有用兔糞者以兔善食此草耳。如未出草時兔糞不可用也。

射干

即紫蝴蝶花根。稟金氣而兼火。金火相搏則苦辛微寒。而有毒入手少陽。少陰厥陰。經苦能下洩。辛能善散。故行太陰厥陰之積痰。使結核自消。足厥陰濕氣下流。因疲勞而發為便毒及老血在心脾間。效吐言語氣臭。散胸中熱氣。療喉痺咽疼。消痰血除癰母。皆消痰洩熱散結之功也。但有瀉無補。故曰久服令人虛。

射干散熱消痰。逐瘀去濕。止喉痺刺疼。消結核硬腫。治瘰癧母。利積痰。為咽瘡喉痛之要藥。能瀉

寔火。故多功於上焦。不能益陰。故久服令人虛也。

主治合參疹治痘疹喉痺咽痛。不得消息。痘後結核散結消腫。用之宜去梗切片。以甘草水浸晒

乾用。

葶藶子

稟陰金之氣。以生故其味辛苦。大寒無毒。氣薄味厚。陽中陰也。為手太陰經正藥。亦入手陽明足太陽經。辛能散苦能泄。太寒泥陰能下行。逐水去結。有瀉無補之

葶藶子行氣走泄。消浮腫痰喘及咳。膀胱留熱。凡腫壅上氣。痰飲喘促。大降氣病。通利水道之

要藥。虛者遠之。以性甚急而善逐水。殊動真氣也。

主治合參疹惟疹子痰咳不止宜之。擇味甜者下泄之性緩。雖泄肺而不傷胃耳。以酒淘淨晒乾

紙上微炒研丸用。痘中不宜。

山豆根

得土之冲氣。兼感冬寒之令。以生故其味甘苦。氣寒無毒。甘能化毒。寒能除熱。蓋凡毒必熱。必辛。一得清寒甘苦之味。則諸毒自解。猶人威德與物無競。即陰毒性

害遇之不起矣故為解毒清熱之上藥若病人虛寒者勿服

山豆根咽喉腫痛要藥兼解諸毒消瘡腫解痘毒五般急黃諸蟲蠱毒

主治合參善解痘毒止痛消一切瘡腫而痘後咽喉腫痛者尤宜若食少泄瀉虛火上炎而咽

喉腫痛者忌服

。大戟稟天地陰毒之氣以生故味苦辛大寒有小毒苦寒故善下走而入腎肝辛則橫走

忌切

大戟凡入藥惟採正根傍附誤煎冷瀉難禁反甘草海藻芫花每同甘遂以利小便消水腫腹

滿急疼除中風皮膚燥痛毆蠱毒破癥堅通月信墜胎散頸瘰逐痰則其苗名為澤漆亦治浮

腫利水總稟陰毒之氣善行而洩以損真氣者也

主治合參行十二水伐腎邪惟痘瘡黑陷歸腎大小便不通腹脹煩燥者宜此以瀉膀胱之邪

非此不可妄用宜去蘆泔水浸洗晒乾用

。淫羊藿又名仙靈脾又名棄杖草本得金土之氣而上感天之陽氣故其味辛甘其氣溫

主陰痿絕陽

淫羊藿強筋骨補腰膝治男子絕陽不興女子絕陰不產然云丈夫久服令人無子者恐陽旺

多慾陰精耗散

主治合參治痘絕陽不起

○牽牛子

感南方熱火之化以生故味辛熱有毒其主下氣逐水利大小便脚滿水腫追虫取積可見峻削力猛而迅急者也止能泄肺以去氣中之濕熱故下焦血分中之病不可輕用以使氣血俱損况非神農藥也乃

牽牛子治水氣在肺喘滿腫脹下焦鬱遏腰背脹重及大腸風秘氣秘利大小便脚滿水腫

疥癩毒濕熱以氣藥引之則入氣以血藥引之則入血大瀉元氣凡不脹滿不大便秘者勿輕

用之其味辛而熱感南方火化所生入手太陰肺手陽明大腸足陽明胃專瀉下焦氣分之濕

熱

主治合參取黑者炒過研頭末入丸藥用凡黑陷痘疹二便不通煩燥甚者宜之非此不可妄

用

○苦參

稟天地陰寒之氣而生其味正苦其氣寒而沉純陰無毒故為燥濕除熱殺虫疥癩之要藥

苦參除熱祛濕利水固齒腸風下血及熱痢刮痛難當温病狂言致心躁結胸垂死赤癩眉脫

者岐風有功黃疸遺溺者逐水立效掃遍身癢癩止卒暴心痛除癰疽疥蟲破癥瘕結氣養肝

氣明目止淚益腎精解渴生津利九竅通二便然大苦寒肅殺之藥治濕熱疥癩則可若以滋

補為害不鮮矣不唯損胃抑且寒精肝腎虛寒者尤宜忌之

主治合參去皮切細酒浸蒸二次陰乾痘瘡癩瘡潰爛如癩毒盛人壯者以此作丸服之喉咽

痛甚者生研細末用

○防已

得土中陽氣兼感平秋之燥氣以生故味辛苦性寒無毒為下部血分去濕熱實症之要藥若飲食勞倦陰虛內熱胃虛胎前產後熱在上焦氣分切勿用此陰小

險健之藥
以為亂階

防已。漢者主水氣。名載君行。木者理風邪。職僉使列。故去腰已下至足濕熱腫痛脚氣及利大小二便。退膀胱積熱消癰散腫。則非漢不能成功。若療肺氣喘嗽。膈間支滿。併除中風攣急風寒濕瘧熱邪。此又全仗水者。總通十二經散濕熱仙藥也。然苦辛大寒。猶人險而健者。也可以治有餘。不可以治不足。若虛症必須佐以參苓二木為當耳。

主治合症疹痘疹陷伏。因於濕熱者可酒洗浸晒乾用。

○馬兜鈴稟冬氣而生故味苦辛氣寒無毒入手太陰經苦善下洩辛則善散寒能除熱其性輕揚厥狀類肺故能入肺除熱而使氣下降則喘嗽之症自平且肺與大腸為表裏臟熱既清腑熱亦解所以痔瘻蠱瘡俱治矣

馬兜鈴燒烟薰痔瘻蠱瘡煎飲劫痰結喘促去肺熱止欬清肺氣補虛。根名青木香亦為散

氣藥。故疝家必需。船蛇蠱毒更效。

主治合症疹痘功效同前。去殼膜只取內子炒用。因體性輕浮故功在至高之臟。若肺虛挾寒者不宜多用。

宜多用

○蒲黃得地之陰氣兼得金之辛味故味甘辛平微寒無毒入肝經血分○破瘀行血涼血宜生用如欲止血止崩宜炒黑用

蒲黃炒黑用。止吐血下血補血損虛勞。生用破瘀血停積療腫毒疼痛消瘀積塊。血熱妄行。調

女人月候不勻。產婦兒枕作痛。療跌撲折損。理風腫癰瘡兼利小便諸血症。宜不論吐血衄腸風

更治血尿血痢。然外因從標之血症可建奇功。若內傷不足之吐血衄難取效也。

黃精安五臟六腑。補五勞七傷。除風濕。壯元陽。健脾胃。潤心肺。旋服年久。方獲奇功。耐老不饑。輕身延壽。小兒羸瘦。多啖彌佳。黃帝曰。太陽之草。名黃精。餌之可以長生。味甘而厚。氣薄而平。能益脾陰。填精髓也。

肉蓯蓉。得地之陰氣。天之陽氣。以生。故味甘酸鹹微溫。無毒。入腎入心。包絡命門。滋腎補精。血之要藥。氣本微溫。相傳以為熱者。誤也。○擇軟而肥厚。大如臂者。良。酒洗去

鱗甲及中心膜火焙乾用

肉蓯蓉治男子絕陽不興。洩精尿血遺瀝。療女人絕陰不產。血崩帶下。陰疼助相火。補益勞傷。煖腰膝。堅強筋骨。雖能峻補精血。驟用反動大便。丹溪云。蓯蓉屬土。有水與火。入腎而補精血。能益水中之火。滋腎補精之首藥。須大至觔許。不腐者佳。溫而不熱。補而不驟。故有蓯蓉之名。但腸滑泄瀉。并腎中有熱。強陽易興。而精不固者。忌之。均以其性滑潤耳。

鎖陽。味甘鹹。性溫。無毒。入腎經。

鎖陽強陰補精。壯陽潤腸。養筋壯骨。輟耕錄云。蛟龍遺精入地。久之則發起如筍。上豐下儉。絕類男陽。功與蓯蓉相近。禁忌亦同。

五加皮。在天得少。陽之氣。為五車星之精。在地得火。金之味。故其味辛微苦。微溫。無毒。入

也。世為仙經所須。其能輕身耐老。又可知矣。煮石法。用玉鼓金鹽五。豉地榆也。金鹽玉加。車寧得一斤。地榆安用。明月寶珠。又昔魯定公。母單服五加酒。以致不死。又東華真人。曰。益而中。自補也。輕身耐老。皆補肝腎之功。與昔人云。寧得一把五加皮。不用金銀滿。也。

五加皮逐多年瘀血。在皮筋中。毆常痛。風痺纏脾。膝裏風弱。五緩痿。腰脊疼痛。虛凝。心腹疝。

氣腹痛風寒濕邪並祛小兒骨軟行遲下部惡瘡膿癩堅筋骨健步強志意益精去女人陰癢難當抹男子陽痿不舉小便遺瀝可止陰蝕疽瘡能除輕身延年長生不老真仙經藥也採葉當疏食散風癩於一身根莖煎酒嘗卻風痺於四末肝腎筋骨之要藥辛順氣而化痰苦堅骨而益精溫祛風而勝濕逐皮膚之瘀血療筋骨之拘攣莖青節白花赤皮黃根黑上應五車星之精故曰寧得一把五加不用金玉滿車然肝腎真陰不足者必兼滋補味藥用之

巴戟天稟土得真陽之精氣兼得天之陽和陽主發散散則橫行是當木之令而兼金之用也故味辛甘微溫無毒水炮去心用

巴戟天禁夢遺精滑虛損勞傷頭面遊風反大風浸淫血癩主陰痿不起及小腹牽引絞疼安五臟健骨強筋定心氣利水消腫益精增志惟利男人溫補腎臟虛寒之要藥惟相火熾者勿用

益母草稟地中陽氣以生感天春夏之氣而成味辛苦微寒微溫無毒入手足厥陰經補而能行辛散而兼潤者也午月五日收採陰乾如入行瘀去滯藥內宜生用如

入調補安胎藥中宜蜜酒拌蒸晒乾焙用

益母草一名芎藭補而能行辛而能潤總調胎產諸症去死胎安生胎行瘀血生新血主欲產胎滯而不行療新產血滯而不利行血活血而不傷已產未產之良劑通為治血之需更有調氣之意治小兒疳積敷疔腫乳癰汁滴耳中又治疔耳醋調細末堪敷馬嘴制硫黃解蛇毒多服消腫下水久服益精輕身子味相同亦理胎產善除目翳易去心痛但芎藭雖謂有活血行氣補陰之功然用其通利之性則可求其補益之功尚未也况既有行血除水通利之力則

益母不益子之義已寓於中兼歸芍地黄則無損矣凡崩漏腫神散大者禁用

李時珍曰益母根莖花葉實皆可用若治血分風熱明自調經用子為良若胎產瘡腫消水行血則可並用益母根莖花葉實於行子則行中有補也

紫苑感春夏之氣化兼得地中之辛先入肺故治肺逆諸症○清水洗去土刃片蜜蒸焙

紫苑蜜蒸焙使欬冬主咳逆痰喘肺痿吐膿消痰止渴喘嗽膿血屍疰勞傷通利小腸能開喉

痺小兒驚癇寒熱結氣虛勞不足能去蠱毒痿蹙堪毆仍佐百部欬冬研末生薑烏梅湯下共

治久嗽立建神功百部五錢欬冬紫苑各一兩為末每服三錢生薑烏梅湯食後臨睡各一服

按紫苑苦溫下氣辛溫潤肺故吐血虛勞收為上品雖入至高之臟然又能下趨使氣化及

於州都小便自利人所不知但性滑不宜久用且性辛溫陰虛肺熱者不宜單用須地黃門

冬共之

○欬冬得天陰寒之氣兼稟乎金水之性故凌冰雪而獨秀其味辛甘溫而無毒陰中含陽降也辛能散而能潤甘能緩而能和緩則通行不滯故善降下善治欬逆上氣

咳嗽諸症無分寒熱虛實皆可施行

欬冬慈使杏仁紫苑治肺痿膿血腥臭止肺咳嗽唾稠粘潤肺瀉火邪下氣定喘促却心虛驚

悸去邪熱驚癇補羸劣除煩洗肝邪明目更毆久嗽奇方燒烟吸之亦妙

按欬冬性稟純陽故能凌冬華艷所以主治皆辛溫開豁之力妙在溫而不助火耳務用含

英而未吐者去蒂蜜水微焙更得清潤之功然世多以枇杷花偽之物既殊而功自異矣

○草萊味辛而熱氣猛而濁故善破瘴癘消穀食及一切宿食停滯作脹悶及痛佐常山截疫瘧

草菓消宿食。立除脹滿。去邪氣。且却冷疼。同縮砂。温中焦。佐常山。截疫瘡。辟山嵐瘴氣。止霍亂。惡心。然氣猛濁。若氣不寔。邪不甚者。不必用之。

。高良薑 稟地二之氣。以生。故味辛熱。純陽浮也。入足陽明太陰經。而治冷逆。逐寒邪。諸症。

高良薑。健脾消食。下氣温中。除胃間冷逆。衝心却霍亂。轉筋瀉痢。翻胃嘔食。可止。腹痛積冷。堪。毆然。治客寒犯胃。心腹冷痛。並宜。若傷暑注瀉。心虛作痛。寔熱腹疼。切忌。子名紅豆蔻。炒過。入藥。醒脾温肺。散寒燥濕。故東垣常用之。脾胃藥中。又善解酒毒。餘治同前。然善能動火。傷目。致血。不可常用也。

。紫草 稟地天陰寒清和之氣。故味苦氣寒。而無毒。入足少陰厥陰。為涼血之聖藥。軟嫩而紫色者。佳。去根取茸。血分熱盛者。生用。脾虛者。酒淨焙。

紫草合膏。敷熱毒瘡瘍。煎服。涼血化斑。托腕豆瘡疹。利九竅水道。乃血熱痘中。滑肌通竅。涼血。必用之藥。但性苦寒。通利。勿多服。久服。以增中寒泄瀉之虞。

主治 痘疹合參 治痘紅紫目赤。血熱毒盛之症。此痘心經有熱。閉塞不通。血氣凝滯。毒盛色紫。用此。凉心開竅。而熱毒發越。痘易起也。至於五六朝。用宜同粘米。蓋粘米能制紫草之餘寒。但終屬。性寒滑利。不可久用。通用。恐致泄瀉成虛。若非血熱。及大便滑利者。勿用。

。紅藍花 稟土與火之氣。故味苦辛温。無毒。陰中之陽也。入心肝二經。血分之藥。

紅藍花。治胎死腹中。為未生要藥。療口噤。血暈。誠已產。仙丹。化痘斑。血熱痘疹。凡多用。則破血。通經。酒煮。方妙。少用。則入心養血。水煎。為安。入心肝二經。為行血活血潤燥之藥也。同當歸。則。

生血。佐肉桂則散瘀配治既異。而功用有兩途矣。產後勿宜過用。多用以使血行不止而斃慎哉。

主治合參疹治痘血熱血凝不行。汚血化成斑點。用此之滯。有去舊生新之妙用。多用則行血破血。少用則活用歸經。入心養血和血。與當歸同功。然大抵活血之功多。而養血之力少也。子吞數粒。能不染天行痘瘡。凡瘡色紅紫之血熱也。宜紅花酒浸晒乾用。如瘡子黑陷者。用子酒浸晒乾。慢火微炒研用。胭脂即紅花汁成之。痘將出時。以此塗眼四圍。痘不入目。兼能活血。故解片毒最良。

○天花粉稟天地清寒之氣。故味苦氣寒而無毒。

天花粉潤心中。枯渴煩熱。降膈上稠痰。熱痰。理一切腫毒。排膿。長肉。消痰。除時疾。熱狂。毆酒。痘去黃。寔熱作渴。最宜。胃虛濕痰。切戒。汗下後亡陽作渴者。陰虛火動。津液不能上升作渴者。病症在表作渴者。及脾胃虛寒。並宜痛絕。

主治合參疹治痘後熱毒發渴。痰嗽。利胸膈。排膿。長肉。消癰。瘡腫。毒。痘瘡潰爛。

按天花粉酸能生津。甘不傷胃。微苦微寒。降火。為潤燥滑痰解渴要藥。但宜於有餘陽症。若真寒假熱者。忌之。亭林一叟。久苦痰火。取服兩月。惡食暴瀉不救。其寒涼傷脾可知。

○瓜蒞仁

瓜蒞仁性潤下氣。味甘補肺。令垢滌鬱開。傷寒結胸必用。俾火弭痰降。虛怯勞嗽當求。定喘潤

肺利膈潤腸解渴生津。下乳止血。其萋寔通用。或同明礬製。或同蛤粉和。並主咳喘痰咳。

主治合參。疹開肺下氣。寬胸膈止嗽定喘。惟宜痘後用。吐瀉者禁之。

薄荷。感春未夏初之氣。得乎火金之味。金勝火。火多故辛。多於苦而無毒。辛涼浮而升。陽也。表虛陰虛。當切禁。

當切禁

薄荷下氣。令脹滿消。彈發汗。俾關節通利。清六陽會首。啟諸熱生風。辛能散。涼能清。搜肝氣。以

抑肺盛。消風熱。以清頭目。性喜上升。小兒風涎驚狂壯熱。尤為要藥。新病瘥者忌服。恐虛汗亡

陽性輕浮走竅。能洩越真氣。而損心脾耳。

主治合參。消風熱。清頭面之腫。引諸藥入榮衛。發汗。通利關節。治痘壯熱。風痲驚搐者。暫用。久

用多用。走洩心氣。耗陰損陽。

澤蘭。感土澤之氣。故味甘而入血。兼得乎春氣。故微濕而無毒。為婦人產後百病。血滯腰痛。血氣衰冷。成勞羸囊。或為面浮腫洩熱。和血行而帶補之要藥。

澤蘭理胎產百病。淹纏消身。面四肢濕腫。破宿血去癥瘕。行瘀血。療撲損。散頭風。目痛。追癰腫

瘡膿。長肉生肌。總皆行血和血。行中帶補之功也。

主治合參。婦人產後惡露未盡者。痘中亦用之。感土澤之氣。入血海而消瘀。行中帶補。氣味和

馬蘭。味辛。氣平。入陽。則血分。

馬蘭破宿血。養新血。斷血痢。解酒疸。療諸菌蠱毒。治絞腸沙痛。除水腫。尿澀。消產瘡。丹毒。

蒲公草。得水之精。氣味甘平。無毒。入用。入肝解毒。涼血之要藥。故乳癰乳巖。首所重。馬

荳根山慈菰端療乳巖其根莖白汁可塗惡瘡腫毒日塗三四毒散腫消

蒲公草即黃花地丁草潰堅腫消結核屢建奇功解食毒散滯氣並臻神效

主治合參凡痘後餘毒癰疽可用

半夏得土金之氣兼得天之燥氣火金相搏故味辛平苦温有毒入足太陰陽明少陽亦入手少陰經辛温善散故主傷寒邪在表裏之間苦善下泄故除心下支飲曹膈痰

熱脹滿上氣為祛濕分水寔脾而開寒濕痰氣鬱結之聖藥其所大忌者陰虛血少津液不足諸病耳

半夏火痰黑老痰膠同芩連寒痰清濕痰白同薑附陳皮蒼朮卒中病痰南星皂角痰飲脇痛

治吐食反胃消腸腹冷痰散逆氣除嘔惡閉結氣發聲音止脾瀉斂心汗一切痰厥頭疼頭眩

聖藥但血症消渴并孕婦忌服脾濕痰症最宜陰虛痰症切忌

主治合參治痘虛寒嘔噦少食化痰涎燥脾濕和脾胃但恐燥咽兼損孕婦灌漿時忌之無濕

痰者戒用

按汪機曰脾胃濕熱涎化為痰此非半夏曷可治乎若以貝母代之翹首待斃李時珍曰脾

無留濕不生痰故脾為生痰之源肺為貯痰之器半夏治痰為其體滑性温也涎滑能潤辛

温能散亦能潤故行濕而通大便秘竅而泄小便所謂辛走氣既化液辛以潤之是也丹溪

謂半夏能使大便潤而小便長成無已謂半夏行水氣而潤腎燥局方半硫丸治老人虛閉

皆取其滑潤也俗以半夏為燥不知利水去濕而使土燥非性燥也但非濕熱之邪而用之

是重亡津液誠非所宜若應犯而犯似乎無犯古人半夏有三禁謂血家渴家汗家也然其

功止吐為足陽明。除痰為足太陰。助柴胡主惡寒。是又為足少陽也。助黃芩主去熱。是又為足陽明也。寒熱往來。在半表半裏。故用此有各半之意。

牛蒡子至秋而成得天地清涼之氣故味辛苦平無毒辛能散結苦能洩熱入手太陰足陽明經乃散風除熱解毒清利咽喉之聖藥痧症始末之必需血熱痘疹之要品

但性冷而滑利氣虛泄瀉者切忌勿服 臨用炒燥研碎則不出氣 若牙疼用牛蒡子生研碎綿裏噙患處漱去苦水即愈

牛蒡子主潤肺散氣。牙齒蝕疼。面目浮腫。退風熱。咽痛及風濕癭疹。毒盛瘡瘍。辛能散給。苦能

洩熱。為痘疹利咽喉。解陽明消癰腫。散風除熱。清裏解毒之要藥。

主治痘疹潤肺金而退風熱。利咽膈而散諸腫。治喉痛。散結氣。發痘涼血。助藥行漿。解陽明熱

毒。凡痘紅紫熱盛便閉者最宜。但通肌滑竅。多服則內動中氣。外致表虛。如病後氣血虛弱。用

之反致耗散真元。若出不快而泄瀉者。尤忌之。癰疽已潰者勿服。

前胡得土金之氣感秋冬之令故味辛苦辛平微寒無毒入手太陰少陽苦寒能降辛平能散所以為下氣除痰去結散邪之藥

前胡善消痰壅。哮喘咳嗽。胸脇痞滿。心腹結氣。傷寒寒熱。風寒頭痛。去風痰。除實熱。

主治合參凡初熱疑似未明。風寒效嗽痰涎者可用。

按前胡辛以暢肺解風寒。甘以悅脾理胸腹。苦泄厥陰之熱。寒散太陽之邪。性陰主降。與此

胡上升者不同。長於下氣。氣下則火降。痰亦降矣。若不因外感之痰。及陰虛火動者。并氣不

歸元。胸脇逆滿者。切戒勿入。

白附子感陽氣而生故味辛微其氣大溫有小毒。性燥而升。風藥中之陽草也。東垣謂其純陽引藥勢上行能祛面上百病為去癩疵擦汗斑豁風痰逐寒邪燥濕散給中

風痰厥小兒急驚之要藥也但性溫燥凡陰虛類中風症小兒脾虛慢驚並宜切忌

白附子諸風冷氣中風失音血痺冷疼消痰去濕且引藥勢上行祛面上百病若大人陰虛類中小兒脾虛慢驚慎勿誤用

主治合參治痘風熱不退及四肢頭面不起用以散風利熱解毒

○草薢得火土之氣兼稟天之陽氣故味苦甘平無毒入足陽明少陰厥陰為祛風除濕補下之要藥

草薢忌同牛肉白者為佳治風寒濕痺腰背冷痛筋骨掣痛補水臟益精縮小便明目逐關節久結老血掃肌膚延生惡瘡恚怒傷中老人五緩其功專去濕而劣於去熱既可去膀胱宿水又能止失溺便頻凡楊梅痔瘻惡瘡病久火衰氣耗濕鬱者用草薢三兩角刺牽牛各一錢水六碗煎耗一半溫三服不數劑多瘥初服未效者以火尚盛也

主治合參治痘水泡太盛不能乾靨者用以滲收濕氣

按草薢主用皆祛風濕補下元凡小便頻莖內痛必大腑熱閉水液只就小腸大腑愈加燥竭因強忍房事有瘀腐墜於下焦故痛此與淋症不同宜鹽炒草薢一兩煎服以葱湯洗穀道即愈腎受土邪則水衰肝挾相火來復母讎而凌土得草薢以滲濕則土安其位水不受侮矣如陰虛火熾及無濕而腎虛腰痛者勿服

土茯苓俗名冷飯團有赤白二種白者良可煮食亦可生啖甘淡而平陽明主藥分清去濁祛風除濕筋骨拘攣楊梅瘡

毒瘰癧瘡腫去濕化毒之要藥也胃虛腎寒者禁之

土茯苓與草薢形雖不同主治不甚相遠李氏疑為一物數種理或然也總之皆除濕消水去濁分清固下焦元氣故能興陽道而主諸痺及惡瘡不瘳也

○ 蘆根 稟土之冲氣有水之陰氣故味甘氣寒無毒甘能益胃和中寒能除熱降火所以常除胃熱凡噎噦嘔吐煩渴霍亂之屬於實熱者並所必需前症之屬於虛寒者切勿誤用

蘆根掘土甘美者有效露出水面者損人解酒毒退熱除煩止嘔噦開胃下食清胃熱止消渴

食魚蝦中毒即解懷胎孕發熱能痊 花白名蓬茸主卒霍亂危急煮汁吞飲即安

主治 痘疹初起胃熱口臭透口四圍痘密者最宜脾胃虛寒者禁用

○ 燈心 氣味甘寒無毒以味甘淡性寒其質輕通故能通利小腸使心經蘊熱從小便

燈心務生刺者良降心火清肺熱通陰竅利小便除癃閉成淋消水濕作腫輕清去濕除熱故

治痘症及上焦浮熱也 根採煎服功力尤優敗席者服其效更勝 燈花止小兒夜啼治大

人喉痺金瘡敷上血禁肌生

主治 痘疹根苗並主五淋清心解熱燒存性止小兒夜啼

瞿麥 稟陰寒之氣而生故未苦辛寒無毒

瞿麥君主利小便佐使泮腫癰去白翳逐胎下閉血出刺凡腎氣虛無大熱者水腫蠱脹脾虛

者胎前產後一切虛人雖小便不利法並禁用

主治 痘疹治痘疹小便不利與木過同功然稟陰寒之氣通心經以利小腸若心經雖熱而小

腸虛者服之熱未退而小腸變生別病矣

茅根 稟土之冲氣兼感乎春陽生生之氣以生故味甘氣寒無毒入手少陰足太陰陽明其能補脾故雖寒而不犯胃能治諸勞傷虛熱也

茅根下淋利小便通閉逐瘀血除客熱在腸胃止吐衄因勞傷補中益氣並止消渴清肺熱定喘除黃疸酒毒 茅鉞潰癰每食一鉞一孔茅花止血

主治合參茅根宜新掘肥大白淨者搗汁入藥功效同前

香薷感夏秋之氣以生味辛氣微溫無毒入足陽明太陰手少陰經辛散溫通故能解寒鬱之暑氣猶內傷生冷外受暑邪外邪內傷相併而作霍亂吐瀉諸症用此辛溫通

氣和中解表乃愈者勞役斷喪內傷元氣及受暑熱而大寒大渴短氣少氣者並宜忌此辛溫走洩以蹈虛虛之戒

香薷主霍亂中脘絞痛傷暑小便澀難散水腫有徹上徹下之功肺得之清化行熱自下也去口臭有撥濁回清之妙脾得之鬱火降氣不上焉解熱除煩調中溫胃然辛溫走散元氣虛者不可過投中熱者尤所禁用且因味辛性溫宜涼飲不宜熱服

主治合參夏月痘疹暫用以清暑氣宜陳久者良

按香薷味辛氣溫為夏月發散陰寒之劑如納涼飲冷過度陽氣為陰邪所遏以致頭痛發熱煩燥口乾吐瀉霍亂宜用之以發越陽氣散水和脾則愈若勞役受熱用之是重虛其表反助其熱益耗真陰害人不淺

木賊草感春升之氣故味甘微苦無毒入足厥陰少陽二經血分故首主目疾及退翳膜益肝膽而明目也又疹腸風止痢痔疾出血婦人月水不斷崩中赤白者皆以入

肝而走血分消之中而復有止瀝之義也發汗疎邪者輕揚春升之性也

木賊草入肝膽退目翳暴生消積塊兼發汗疎邪但目疾暴赤腫痛由於怒氣暑熱者非其所宜久服損肝

主治合參專益肝膽去翳明目。治痘後目疾宜去節以酒潤濕火上烘用。

按穀精去星障木賊去翳障其功在菊花之上蓋菊花和血藥止能調養眼目而其除星去翳則不及也。然目病久患精血虧損者雖有翳障而木賊穀精之類必兼熟地芍藥滋補肝腎之藥而始效。豈不思目得血而能視乎。即當歸雖能養血然味辛散尚非所宜也。

○決明子得水土陰精之氣兼稟乎清陽者也故其味鹹苦甘平微寒無毒鹹得水氣甘得土氣苦可洩熱平合胃氣寒能益陰洩熱足厥陰肝家正藥亦入膽腎又可作枕

治頭風明目

決明子除肝熱尤和肝氣收目淚且止目疼明目仙丹頭風兼毆得沙苑蒺藜甘菊枸杞生地女貞實槐實穀精草補肝明目益精之要藥功力更優。

主治合參主青盲目淫膚赤白膜腫痛淚出除肝家熱。

○蒺藜子蒺藜有二種一種同州沙苑白蒺藜一種秦州刺蒺藜白者感馬精所生刺者感地中陽氣所生本經苦溫別錄加辛及微寒並無毒宜炒搗去刺

刺蒺藜質輕色白象金入肝。夫肝雖有藏血之體而血非可留之物留則不虛靈而血惡。斯致疾矣。蒺藜宣行快便故主婦人癥結積聚能破男子遺溺洩精能止腎虛腰疼傷中勞乏催生落胎除煩下氣乳發帶下易效。肺痿膿血可瘳療雙目赤疼翳生不已。治遍身白癩瘡癢難當。除喉痺頭疼消痔瘻陰汗去惡血長肌肉明目輕身多主肝經以味苦溫辛香可以宜散也。又種沙苑者質細色綠常入腎經以性寒質寔可以強陰故益精療腎之功更勝。主治合參擇白者宜炒過方搗去刺後斫細入藥。凡痘瘡癢癢潰爛者并痘後目患者並宜。

。纏豆藤

纏豆藤和中解毒。宜端午日採陰乾。比毛豆梗上纏繞細紅絲者佳。稀痘方中常用之。

。敗草 即墻頭陳柴既稟穀氣之餘久受寒暑雨露日月精華故為久潰瘡瘍之用最效耳

敗草宜東壁極陳者佳。或晒或焙研細。或敷瘡上。或襯席間。善解痘毒滲濕之功。神效。爛痘之所必需。

。夏枯草 稟純陽之氣故冬至生夏至枯也且得金水之氣故味苦辛性微寒無毒入足厥陰少陽經辛能散結苦能洩熱故治一切寒熱瘰癧破癥堅癭乳癰乳巖及火鬱

目珠疼極怕日羞明之要藥並端作穗開淡紫花採陰乾用之

夏枯草味辛苦而性微寒。散結氣而解內熱。補肝血。緩肝火。破癥堅癭。散瘰癧鼠瘻。寒熱並

治濕痺兼却更治目珠疼痛。至夜則甚者如神。此草稟純陽之性。夏至後得陰氣即枯。所以治

厥陰火鬱之目疾。及鬱怒所成乳巖乳癰。併一切癰腫也。目皆白珠屬陽故晝痛點苦寒藥則

夏枯草氣稟純陽補厥陰血脈故治夜痛如神以純湯之氣而勝濁陰且散厥陰鬱火耳



馮氏錦囊秘錄雜症痘疹藥性主治合參卷三

松江蒲溪李林馥啟賢氏重校

姪 謙益恭存

海鹽馮兆張楚瞻南纂輯

門人沈世楫維周全較

男 泰 且公

草部

○ 姜蕤 稟天地清和之氣入脾肺 肝腎四經味甘平無毒

姜蕤一名玉竹潤肺而止嗽痰補脾而去濕熱養肝而理管傷淚出益腎而除腰痛肺寒調養

氣血逐風淫四末成痺益氣補中去心腹結氣陰煩入脾肺以長氣分之陽入肝腎以滋陰分

之血但性緩力薄難取近功

按姜蕤雖曰滋益陰精與地黃同功增長陽氣與人參同力潤而不滑和而不偏譬諸盛德

之人無處不宜故神農收為上品但汁薄而不能如地黃之濃厚力小而不能如人參之大

補性平和緩難圖急效陰陽並資未有專功較之地黃之滋陰人參之補元已屬霄壤矣豈

可仗此以代挽回垂絕之藥乎

○ 丹參 味苦微寒無毒能治軟脚可逐奔馬又名奔馬草○清心除熱宜生 用養心血止痛宜猪心血拌炒用和心陰理心氣蜜酒拌炒

丹參專調經脈平補善理骨節疼痛生新血去惡血落死胎安生胎破積聚癥堅止血崩帶下

脚痺軟能健眼赤腫可消安神散結益氣強陰散癭贅惡瘡排膿生肉辟鬼崇精魅養正毆邪

藥性 姜蕤 丹參 沙參 胡椒 藁本 千頃堂書局

更治腸鳴幽幽。滾下如走水狀。功雖多於補血。然更長於行血。心與心包絡及肝經三家藥也。按丹參色合南離。獨入心家。專主心血。古人稱丹參一味兼四物之功。嘉其補陰也。雖能補血。然長於行血。故胃氣虛寒者少投。妊娠無故者勿服。

沙參 稟天地清和之氣。味苦甘微寒。無毒。散結除熱。則有之。補中益氣。則不及也。

沙參味淡體輕。專補脾氣。因而益脾與腎。久嗽肺痿。金受火尅者宜之。寒客肺中作嗽者勿服。主寒熱咳嗽。胸痺頭痛。定心內驚煩。退皮間邪熱。易老服代人參。蓋取味之苦甘。瀉中兼補。畧相類耳。

按沙參氣輕力薄。非肩弘任大之品也。人參甘溫體重。專益肺氣。補血而生陰。沙參甘寒。體輕專清肺熱。補陰而制陽。一行春氣。一行秋氣。不相侔也。故藏府無實熱。及寒客肺經而嗽者勿服。

胡椒 稟天地純陽之氣。以生。故味辛氣大。溫無毒。氣味俱厚。陽中之陽也。入手足陽明經。以辛溫之。歐邪除穢。劑之沉寒。勿冷過。則損肺傷陰。

胡椒下氣去風痰。溫中止霍亂。腸胃冷痢。可卻心腹冷痛。堪除食。勿過劑。損肺傷脾。葶澄茄。係胡椒青嫩之時。摘取。一方向陽生者為胡椒。向陰生者為澄茄。化穀食。理逆氣。消痰癖。止嘔噦。傷寒數噫。亦每用之。

藁本 感天之陽氣。兼得地之辛味。故味辛苦。氣溫無毒。入足太陽經。溫能通苦。能洩大辛。則善散氣。厚則上升。陽也。

藁本氣力壯。雄風濕通用。正頭痛巔頂上。散寒邪。巨陽經。又能下行去濕。故治婦人陰腫。痲疔。

子名鬼卿。主風入四體。藁本感天之陽氣得地之辛味。故氣溫而苦。苦從火化。故其氣雄能治巔頂頭痛也。然內熱頭痛及春夏溫暑之病不宜進也。

○藁耳實即蒼耳也。得土之冲氣。兼稟天之春氣。故味辛。苦微寒。有小毒。

藁耳實散瘡癬。細瘡遍身。瘙癢者立效。敗風濕。周痺四肢。攣急者殊功。止頭痛。善通頂門。追風毒。任在骨髓。殺疔蟲。濕匿主惡肉死肌。搗汁飲。治疔腫如神。煎湯熏。療諸痔立效。益氣開聰明。強志煖腰膝。苦以燥濕。甘以和血。溫以通行。為驅風去濕之聖藥。六神麴以之配。蒼龍風本象也。

○秦艽感秋金之氣。故味苦辛平。微溫無毒。入手足陽明經。苦能洩辛能散。微溫能通利。故主寒熱邪氣。寒濕風痺。肢節痛。下水利小便。性能祛風除濕。無問久新。及通身攣急。

能燥濕散熱。結腸風瀉。血養血榮筋之要藥。

秦艽養血舒筋。除風痺。肢節俱痛。通便利水。散黃疸。遍體如金。除頭風。解酒毒。止腸風。下血。去骨蒸。傳屍。其性養血祛風。入胃而除濕熱。故攣急痺症者風也。黃疸便澀者濕熱也。為風藥之潤劑。但下部虛寒人。小便不禁者勿服。

按秦艽風藥中之潤劑。散藥中之補劑。故養血有功。中風多用之者。取祛風活絡。養血舒筋。蓋治風先治血。血行風自滅耳。

○清箱子味苦寒。入肝經。

清箱子多治眼科。去肝臟熱毒。上衝青盲翳腫。除心經火邪。暴發赤障昏花。

。白前色白形似白微又似牛豚但脆白易折不若白微之可彎而不折也感秋之氣得土

緩辛能散溫能下故善能下氣治氣逆效嗽濕痰停飲短氣水濕體腫脹滿晝夜倚壁不得卧喉作水雞聲者神效

白前似牛膝粗長堅脆易斷主咳嗽上氣能降胸脇逆氣堪毆氣壅膈倒睡不得者殊功氣衝

喉呼吸欲縱者立效并氣寒咽嗑時作水雞聲鳴者服之即瘳

。青蒿稟天地芬烈之氣以生味苦氣寒芬芳無毒苦能泄熱殺蟲寒能退熱除陰分伏熱故治暑勞虛熱男婦勞瘦骨蒸凡苦寒多傷胃氣惟青蒿之芳氣入脾與胃無犯且

能清利脾家濕熱耳但中氣虛寒泄瀉者勿用若熬膏神治暑癆虛熱以童便搗葉取汁煎膏

青蒿即草蒿係神入童便熬膏退骨蒸癆熱生搗爛絞汁卻心痛熱黃瘧肉腫癰燒灰淋濃湯

點洩利鬼氣研末調米飲吞愈風癩疥癩止虛煩盜汗開胃明目辟邪殺蟲善理血虛有熱專

除鬼疰傳屍

身中鬼氣引接外邪有遊走皮膚洞穿藏府每發刺痛變動不常者為飛尸附骨入肉攻鑿

血脉見尸聞哭便作者為遁尸淫躍四末不知痛之所在每發恍惚得風雪便作者為風尸

纏結藏府冲引心脇每發絞切遇寒冷便作者為沉尸舉身沉重精神錯雜嘗覺昏廢每節

氣大發者為尸疰時珍曰月令通纂言伏內庚日采青蒿懸門庭可辟邪冬至元旦各服二

錢亦良則青蒿之治鬼疰蓋亦有所本也

按凡苦寒之藥多傷胃氣惟青蒿芬香入脾獨宜於血虛有熱之人以其不傷胃氣故也但

無補益之功必佐氣血藥而用之方有濟也

白薇稟天地之陰氣以生故味苦鹹平大寒無毒

白薇苦鹹而寒兼入心腎利陰氣下水氣中風身熱皮滿温瘧寒熱痠疼狂惑鬼疰堪卻傷中

淋露可除利氣益精下水滲濕風温灼熱多眠遺尿熱淋血厥

白藓稟天地清燥陰寒之氣其味苦鹹寒無毒入足太陰陽明兼入手太陽苦能泄熱寒能除熱鹹能潤下故治濕熱及下部諸症

白藓又名白羊鮮主筋攣死肌化濕熱毒瘡遍身黃疸濕痺手足不能屈伸癩毒風瘡眉髮脫

落女人陰腫產後餘疼小兒驚癇淋瀝效逆時熱時狂飲水多多煎服尤宜治鼠瘻有膿熬白

鮮皮膏吐出即愈理肺嗽不已製白鮮皮湯飲下即瘥

狗脊稟地中冲陽之氣兼感乎天之陽氣故味苦甘平微温無毒苦能燥熱甘能益血温能養氣是補而能走之藥也入足少陰腎經腎主骨故主骨節一切諸症狀如狗脊以形得名也别名扶筋以功得名也

狗脊惡敗醬使草解強筋壯骨補腎除濕治腰背強疼機關緩忽理腰膝軟弱筋骨損傷女人

傷中欠調老人失溺不節周痺寒濕竝可醫痊腎虛有熱小便不利口苦舌乾者忌之

京三稜稟火土之氣故味苦甘辛平無毒入足厥陰及足太陰所以能治一切凝結停滯有形之堅積真氣虛者勿服

京三稜消癥瘕滯痛一切血塊乃血中之氣藥也專通肝經積血滯氣宜醋浸炒用

按三稜昔有患癖死者遺言開腹取之得塊如石文有五色削成刀柄後刈三稜忽化為水

乃知治癖積塊如神蓬朮破氣中之血三稜破血中之氣主治頗同氣血稍別東垣用此二

馬氏... 藥性... 白鮮... 狗脊... 京三稜... 蓬朮... 延胡索... 千頃堂書局

味皆用人參贊助。故有成功而無偏勝之害。若專用尅伐胃氣。愈虛不能運行。積反增大矣。
○蓬莪茂入感夏未秋初之氣。得火金之味。故其味苦辛。其氣溫而無毒。陽中陰降也。
蓬莪茂止心疼。通月經。消瘀血。破積聚。瘰癧。乃氣中之血藥也。欲先入氣。火炮用之。欲先入血。則用醋炒。

按蓬木攻削峻猛。誠為磨積之藥。但虛人服之。積滯未退。本元日虧。兼以參朮。乃無損耳。惟元氣壯盛者。則有病病當之也。

○骨碎補又名猴薑。得金氣。兼得石氣。而生味苦辛。氣溫好生。陰處故得陰氣。為多入足少。凡採得銅刀刮去黃赤毛。細切密拌蒸晒用。
骨碎補。補骨節。傷碎。療風血積。疼破血。有功。止血。亦效。專入腎經。故治腎泄。骨痿。耳響。牙疼。諸

骨腎症。昔魏刺史子久泄垂危。諸藥不效。用此藥末入猪腎中煨熟食之。即愈。蓋腎主二陰。而司禁固。久泄乃屬腎虛。不可專責脾胃也。

○延胡索稟初夏之氣。兼得乎金之辛味。故味辛。氣溫。而無毒。入足厥陰。亦入乎少陰。經性。溫則能行。能暢味辛。則能潤。能散。所以為行氣活血要藥。但性能走而不能守。故
延胡索。溫則能行。能暢味辛。則能潤。能散。所以為行氣活血要藥。但性能走而不能守。故

延胡索。因味辛。溫。破血。下氣。調月水。氣滯。血凝。產後。血衝。血暈。心腹卒疼。小腹脹痛。通經下胎。舒筋療疝。妙不可言。乃活血化氣第一品藥也。

按延胡索行氣中。血滯。血中氣滯。通理一身上。下諸痛。往往獨行功多。故調經藥中常用之。

然既無益氣之情。絕少養榮之義。徒仗辛溫攻凝逐滯。虛人當兼補藥同用。否則徒損無益。

○薑黃得火金之氣故其味苦辛性寒無毒陽中陰也降也入足太陰厥陰若能泄熱辛能散結故為破血下氣血分氣分之要藥

薑黃性烈過鬱。金鬱入心。治血。薑黃兼入脾。兼治氣。破血立通。下氣最捷。一切結氣積氣癥

瘕。瘀血。血閉。癰疽。竝治。辛溫能散。專理氣中之血。內調心腹。脹滿。外療手臂疼痛。若血虛腹痛

臂疼。而非瘀血凝滯者。用之反劇。

○地榆稟地中陰氣兼得乎天之微陽故味苦甘酸微寒無毒氣薄味厚沉而降陰也入足厥陰少陰手足陽明經為下部濕熱腸風便血血熱血痢瘡疔之要藥宜酒拌炒

地榆雖理血症。惟治下焦。婦人崩帶。月經不斷。小兒疳痢。腸風下血。痔瘻來紅。但虛寒冷瀉崩

帶。切須忌服。

○百合得土金之氣兼天之清和故味甘平微寒無毒入手太陰陽明亦入手少陰

百合養臟益志。潤肺寧心。逐驚悸時疫。除邪熱。消腫。欬久嗽。療肺痿。止涕淚。利二便。不獨保肺

之功。仲景定百合湯治百合病。更有寧神清心之效也。

按久嗽之人。肺氣必虛。虛則宜斂。百合之甘斂。勝于五味之酸斂多矣。金匱云。行住坐卧不

定。如有神靈。謂之百合病。仲景以百合湯治之。則其清心安神。從可想見。久服使人心志歡

和。但腸滑者勿用。

○百部得天地陰寒之氣故味甘苦微溫無毒與天門冬形相類而用相做故名野天門冬但天門冬治肺熱此治肺寒為別也千金方用百部熬膏入蜜不時取服可療三十

年嗽楊氏經驗方治遍身黃腫取鮮百部搗窹臍上以糯米飯半升拌酒半合蓋在藥上以帛包住一二日後口內有酒氣則水從小便出腫自消矣

百部治久嗽傳尸骨蒸肺熱上氣散熱清痰潤肺下氣誠久嗽寒嗽之要藥也更殺傳尸癘蟲小兒疳熱寸白蛇蟲同秦朮為末燒烟薰之去風亦殺蟲之一驗也

藍實稟天地至陰之精其味苦鹹寒而無毒故能去熱除疢一云兼甘平無毒以其得土氣之厚蓋諸毒遇土即解故可善解諸毒

藍實餘藍俱不入藥入藥惟用蓼藍秋採實晒乾微研碎煎服殺蟲疰疫鬼惡毒。毆五臟六腑熱煩益心力。填骨髓補虛聰耳日利關節通竅。但虛寒人及久瀉者并腹中覺冷者忌之。莖葉可作靛染青。生搗絞汁飲散風熱赤腫愈疔腫金瘡。追驚癡脹痛百藥毒總解。諸惡瘡竝毆。衍義云藍實水有木能使散敗之血分諸經絡故解毒最效。又治小兒壯熱成疢。婦人產後血暈消赤眼暴發止吐血時來。天行瘟疫熱狂竝宜急取煎服。丹溪普濟消毒飲中加板藍根者即此是也。其靛花名為青黛宜合丸散。小兒疳熱消瘦瀉肝下毒殺蟲收五臟鬱火消上膈痰火竝妙。更毆時疫頭痛欬傷寒赤斑一切疢病面黃鼻赤毛焦唇焦口舌生瘡皮膚枯槁壯熱等症神奏奇功。雖涼而不傷脾胃。故疢痢疢癘竝臻神效。

著實

著實明日增智慧益氣充肌膚久服不饑輕身耐老。

蛇牀子味苦辛甘平無毒陽也凡使須用濃藍汁并百部自然汁二味同浸三伏時漉出晒乾却用生地汁拌蒸從午至亥晒乾用

蛇牀子治婦人陰戶腫疼温煖子臟男子陰囊濕癢堅舉尿莖掃瘡癬利關節腰膝腫痛手足

痺頑益陽氣。治腰膝酸疼。斂陰汗。除濕瘡疥癩。大風身癢難當。作湯洗愈。產後陰脫不起。絹袋
熨收。婦人無娠。最宜久服。但性溫燥。腎家有火。下部有熱者。忌投。

蘭葉 稟天地清芬之氣。以生。故其味辛。氣平。無毒。入手太陰。足陽明。經。故肺氣鬱結。辛平散之。胃結疾。癖。芬芳。除之。為開胃除惡。清肺消痰。散鬱結之聖藥也。

蘭葉利水道。散痰癖。益氣生津。殺蟲毒。辟不祥。潤膚逐痺。膽痺必用。消渴須求。東垣云。能散積

久陳鬱之氣。經日治之。以蘭除陳氣也。

卷栢 稟石之氣。兼感人之陽氣。以生。故味辛甘。溫平。微寒。無毒。

卷栢彷彿匾栢。止血用灸。去血宜生。治婦人癥瘕。血閉殊功。療男子風眩痿蹙。立效。止脫肛而

散淋結。歐鬼邪。以除啼泣。益精強陰。鎮心定魄。煖水臟育孕。和顏色。輕身。

漏蘆 得地味之苦。鹹。稟天氣之大寒。故無毒。若能下洩。鹹能軟。堅寒能除熱。入足陽明。少陽。太陽。手太陰。陽明。寒而通利之藥也。

漏蘆治身體風熱。惡瘡。皮膚瘙癢。癰疹。乳癰。發背。痔瘻。腸風。補血。排膿。生肌。長肉。引經脈。下乳

汁。續筋骨。療折傷。止遺溺。泄精。除風。眼濕痺。非獨煎飲。堪作浴湯。但婦人妊娠。及瘡瘍。陰證。平

塌不起者。禁用。

薇銜根

薇銜根有兩股。大者名大吳風草。小者名小吳風草。秦皮為使。主風淫濕痺。致歷節痠疼。療吐

瀉驚澗。及鼠瘻。癰腫。卻熱。除痿。蹙逐水。消暴癥。婦人服之。絕產。無子。吐舌。悸氣。顛狂等症。竝祛

敗醬

敗醬因似敗豆醬氣故名。除腫癰敗膿散血。破癰結催產安胎。去蛆痔疥癩。卻毒氣痿痺。鼻紅吐血能止。腹痛凝血可推。

菴藺子得土之烈氣微感天之陰氣味厚氣薄故味苦微寒微温無毒

菴藺子消食明目。益氣輕身。止女人經澀不通。扶男子陽痿不舉。消水氣作脹。散瘀血成癰。打

撲折傷風寒濕痺腰膝重痛骨節痠疼。

天名精稟天地清陰之氣味甘辛氣寒而無毒

天名精又名地菘又名麥薑又名蟾蜍蘭又名蝦蟆蘭又名天蔓青又名天門精又名活鹿草。

又名劉燼草專療傷折金瘡拔腫毒惡疔下瘀血血瘀利小便以逐積水除結熱而止渴煩追

小蟲去濕痺逐痰涎定吐血敷治蛇蟲螫毒噙療纏喉風腫根名土牛膝功用相同。子名鶴

虱任合丸散大能殺蟲追毒。虻蟻蟲咬心腹卒痛者肥肉汁調下即安。砒礞毒吞腸胃未裂者

濃薑汁送下立吐。

仙茅稟火金之氣故味辛温有毒氣味俱厚入手足厥陰經辛温之氣正補命門火之不

攝故能通神強自除筋骨陽道自旺且命門之系上通於心相火得補則君火益自振

仙茅有毒。主心腹冷氣不能食。療腰足攣痺不能行。丈夫虛損勞傷。老人失溺無子。益肌膚。黑

髭鬚壯筋骨。填骨髓。明耳目。助陽道。長精神。久久服之。通神強記。

聖濟總錄。仙茅丸壯筋骨。益精神。明耳目。黑髭鬚。仙茅二斤。米泔浸五。水夏月浸。

三日銅刀刮去皮。酒拌蒸。剉碎陰乾。取一斤枸杞子。一斤車前子。十二兩白茯苓。去皮。茴香炒。栢子仁。去殼。各八兩。生地黃。焙熟。地黃。焙。各四兩。為末。酒煮糊。丸如梧子大。每服五十九。食前溫酒下。日二服。凡味之毒者必辛。氣之毒者必熱。仙茅味辛。氣大熱。其為毒可知矣。雖能補命門。益陽道。助筋骨。除風痺。然而病困不同。寒熱迴別。施之一誤。禍如反掌。况世之人。火旺致病者。十居八九。火衰成疾者。百無二三。辛溫大熱之藥。其可常御乎。凡一概陰虛發熱。咳嗽吐血。衄血。齒血。溺血。淋遺精。白濁。夢與鬼交。腎虛腰痛。脚膝無力。虛火上炎。口乾咽痛。失志陽痿。水涸精竭。不能孕育。老人孤陽無陰。遺溺失精。血虛不能養筋。以致偏枯痿痺。胃家邪熱。不能殺穀。胃家虛火。嘈雜易饑。三消五疸。陰虛內熱。外寒陽厥。火極似水等證。法並禁用。

景天

味苦酸平。氣寒無毒。乃大寒純陰之草也。故主大熱火瘡。身熱煩邪。諸虫毒。虺蛇傷。惡氣。

景天又名慎火草。又名掛壁青。治火瘡立瘥。又煎湯浴小兒熱刺瘡。若搗爛能敷小兒赤遊丹毒。金瘡。蠱風驚熱燥並效。

徐長卿

徐長卿去蟲毒疫疾。殺鬼物精邪。祛溫瘧。逐惡氣。

黃藥根

稟土中至陰之氣。以生。故色黃。味苦。氣良無毒。入手少陰。足厥陰。經。經曰。一陰一動。而喉痺。瘰癧矣。主諸惡腫瘡。蛇犬咬毒者。亦以其苦寒涼血。且得土氣之原。解百毒也。

黃藥根外利多。用主咽喉痺塞諸惡瘡。疽治蛇犬咬傷。心肺積熱。生搗取汁。可含可塗。子肉味酸。消瘦甚捷。收須浸酒。日飲數杯。見效即停。否則項縮。

石龍莖

石龍莖又名龍鬚。織席堪用。通小便不利。熱淋除內傷不足。虛痞殺鬼。疰惡物。去尿管澀。疼潤皮毛。枯槁卻心腹邪氣。敗席煎湯治淋亦效。

石龍芮

石龍芮有兩種分別。水生者葉光潤子圓。陸生者葉有毛子銳。入藥惟尚水生。用子形如葶藶。平胃氣。欠和胃熱作滿。補陰氣不足。莖冷失精。風寒濕痺。齊啟心腹邪氣。竟解通利關節。悅澤皮膚。久服明目輕身。令人結孕有子。

絡石

生石者良稟少陽之令。兼得天地陰寒之氣而生。四時不凋。其味苦。其氣溫微寒而無毒。入足陽明手足少陰足厥陰少陽經藥。

絡石與薜荔木蓮地錦石血同類。喉痺不通欲絕。水煎湯下立。麤背癱。焮腫延開。蜜和汁服立效。堅筋骨。強健腰足。利關節。潤澤容顏。去風熱死肌。解口舌乾燥。蛇毒心悶能散。刀斧瘡口可封。薜荔雖同絡石。莖葉粗大如藤。治背癱。將葉採收煎酒飲下。刺即愈。木蓮與絡石相類。莖葉粗大。更大於絡石。味苦。藤似寄生附木而生。苗枝葉如石葦。因得木氣。故名木蓮。俗呼鬼饅頭是也。又名薜荔。或煎湯或浸酒。初服壯陽卻病。久服耐老延年。藤汁取之。堪敷風毒。掃白癩風癬。除疥癬癰瘍。其上結子房。并房中白汁。破血甚良。地錦味甘。煎湯浸酒。破血止疼。祛

產後血凝逐腹中血痂。石血亦以血攻煎酒建功墮胎亦速。

按絡石以其包絡木石生而名之也。稟少陽之令得地之陰氣開關節散風熱治發背癰疽

之要藥也。神農列之上品。李當之稱為藥中之君。醫家鮮知用者。豈以其近賤而忽之耶。仁

存堂治小便白濁緣心腎不濟或由酒色過度謂之上淫蓋有虛熱而腎不足故土邪干水

史載之言夏則土燥水濁冬則土堅水清即此理也。醫者往往峻補其疾反甚惟服博金散

則水火既濟源潔而流清矣。用絡石人參茯苓各二兩龍骨煨一兩為末每服二錢空心米

飲下日二服陰臟人畏寒易泄者勿服。陰山峻壁隨處有之多包絡石間或蔓延木上莖節

着處即生根鬚葉細厚而圓短凌冬常清花白實黑折之有白汁與薜荔地錦等同一類焉

入藥則附石者良。用粗布揩去毛子以熱甘草水浸透切晒用杜仲丹皮為之使惡鉄落畏

貝母葛蒲

艾葉稟天地之陽氣以生故味辛微温其氣芳烈純陽之草也無毒入足太陰厥陰少陰

胎且為調經治帶温中除濕辟惡女科之要藥

艾葉祛寒濕温中除腹痛保孕殺蟲療蠱瘡作炷灸百病。熨臍腹冷疼辟諸疫鬼氣同香附醋

糊丸名艾附丸開鬱結調月經温煖子宮使孕早結同乾薑末蜜丸名薑艾丸。歐冷氣惡氣逐

鬼邪氣火灼氣下行入藥氣上行若陰虛血燥者大非所宜。

馬鞭草味苦氣寒無毒為涼血去濕熱殺蟲之藥下部濕熱陰腫惡瘡煎湯先熏後流氣到便爽痛脾隨減實有神效但脾胃虛弱者勿服

馬鞭草。苗葉類菊。穗抽似鞭。花開色紫。下部楊梅瘡。蟹瘡。煎湯熏洗。金瘡積血作疼。研末敷妙。通女人月水。血氣成癥。結癥生搗。醇酒煎良。治小腸卒痛難當。禁久燒發熱不斷。絞腸沙即效。纏喉痺極靈。殺諸般疰蟲。消五腫痞塊。

旋覆花。一名金沸草。五月採花。晒乾。稟冬之氣。以生。故味鹹甘。温。一云苦辛。冷利。有小毒。鹹能潤下。軟堅。辛温能通行。破結。

旋覆花逐濕。治頭風明目。凡心脾伏飲。脇下脹滿。胸上痰結。唾如膠漆。風氣濕痺。皮間死肌。消痰飲除宿水。利大腸膀胱。但氣走洩。且性冷利。病人衰弱。及大腸虛寒者忌之。

劉寄奴。味苦辛。微温。苦能降下。辛温通行。故主破血下脹。然善走之。性又在血分。故多服。病人氣血兩虛。脾胃衰弱。作泄者。勿服。火灼湯傷。先以鹽末搽之。護肉不壞。後以寄奴細末。搽上。或以糯米漿雞翎掃上。後搽是藥。不痛且無痕。大驗。

劉寄奴草下氣。止心腹急疼。下血。卻產後餘疾。消焮腫癰毒。治湯火熱瘡。子研泡熱水下咽。腸瀉無度者即已。

葫蘆芭。味苦熱。無毒。入腎膀胱二經。

葫蘆芭得挑仁。大茴香。治膀胱疝氣。效同硫黃。黑附子療腎臟虛冷。住。毆脹滿腹脇中。退青黃面頰上相火熾盛。陰血虧少者禁之。

三七。味甘微苦。無毒。入手足陽明厥陰血分。

三七止血散。血有神功。癰疽腫毒。為妙藥。即散已破。為末。搽之。箭刃杖撲。嚼塗即定。血崩血痢。泔服可痊。赤眼毒眼。磨汁搽之。蛇傷虎傷。為末敷搽。

篇蓄

篇蓄主浸淫疹癩疽痔丹石發腫眼疼治熱淋黃疸理瘡疾殺蟲不能益人亦常用也

○ ○ ○ 菝葜草感少陽生發之氣以生故味苦寒無毒專入肝腎二經生則寒熱則濕也乃血分

所以祛濕熱除風氣四肢麻痺骨間疼痛腰膝無力中風等症也妙在走而不洩香可

開脾邪去身安輕身駐顏其草節葉相對五月五日六月六日九月九日採來溫水

洗去泥土摘其葉及枝頭花定蜜酒潤過九蒸九晒不必太燥但取蒸足數為度仍熬

菝葜草治肝腎風氣四肢麻痺筋骨冷痛風濕瘡瘍暴中風邪口眼喎斜久滲濕痺腰脚酸痛

長眉髮烏鬚髮追風逐濕除蠶痺門之聖藥但味苦氣寒而菝臭必蒸晒九次加以酒蜜則苦

寒之陰濁盡去而香之美味見矣蒸晒不至九數則陰濁尚在不能透骨驅風而却病也

酸漿實

酸漿實孕婦吞下立分娩無憂小兒食之能除熱有益根搗汁極苦治黃疸易消

石韋

石韋用須拭去背上黃毛治遺溺成淋通膀胱利水療癰疽發背去惡風止煩益精氣補五勞

除邪熱安五臟生瓦上者名為瓦韋治淋亦佳

○ 海金沙味甘淡氣寒無毒甘寒淡滲故主通利小腸治熱血膏淋及脾濕腫滿腹脹如鼓

陰不足者忌服

海金沙治小便不通。臍下滿悶。主濕熱腫滿。膏血諸淋。乃專利小腸濕熱之藥。可供合丸散。

蜀漆其根名常山。稟天地陰寒之氣。味苦辛寒。有毒。苦泄辛散。故善逐飲。陰寒祛熱。故善破瘴癘。入口即吐。其性暴悍。可知。古方治瘴多用。蓋以嶺南西粵。鬼方山嵐瘴氣所感。充於崇衛皮膚之間。欲去皮膚毛孔中瘴氣。根本非常山不可以。性能祛逐去痰積飲。善散山嵐瘴屬也。

蜀漆係常山苗。散火邪。錯逆破癰。癥瘕堅痞。結積凝蟲。毒鬼疰久瘧。兼治欬逆。亦調。切勿服多。

亦防惡吐。常山截溫瘧。吐痰沫。殊功。水脹堪逐。鬼蠱能消。勿熱下咽。露宿纔投。老人病久尤

宜戒服。蓋陰毒暴悍之草。雖能破瘴逐飲。善治久瘧。須在發散表邪。提出陽分之後。用之。但最損真氣。倘瘧非因瘴氣。老痰積飲者。勿輕用之。功不掩過者也。

按常山截瘧疾甚效者。蓋瘧疾必有黃涎聚於胸中。故曰無痰不成瘧。且弦脉主痰飲。而瘧脉必弦。常山善去老痰積飲。故為瘧家要藥。必須好酒炒透。否則令人吐也。若同參朮則既可去病。復可禦其猛烈之性矣。

○海藻全稟海中陰氣。以生。故味苦鹹寒。無毒。氣味俱厚。純陰沉也。苦能洩結。寒能除血熱。鹹能軟堅。潤下。故主消癭。癥瘕。破堅散結。十二水腫之要藥。宜淡白對先

洗淨再用。生烏頭并紫背天葵同蒸。一伏時。晒乾用。

海藻性反甘草。治項間癭瘕。頸下癭囊。癥瘕癰腫。痰飲濕熱。利水通癰。閉成淋瀝。瀉水除脹。滿作

腫。辟百邪。鬼魅。止偏墜。疝疼。海帶多用。催生亦治風淫。兼下水濕。功同海藻。昆布領痰結

氣。積聚癭瘤。功同海藻。而少滑性。雄故瘡疔。彌噎。散結潰堅。並有奇效。多服久服。令人瘦削。

○甘遂其根皮赤肉白。作連味實。重者良。稟天地陰寒之氣。以生。味蓋氣寒。而有毒。陰草也。苦性泄寒。勝熱。水屬陰。故從其類。直達水氣所結之處。而泄葍之。仲景大陷胸湯用

之以治水結胸也并元氣壯定而受濕熱積飲水腫蠱脹疝瘕腹痛或仗祛除實為泄水之聖藥倘脾虛氣弱誤用泄之益虛其虛水雖暫去復腫必死慎之用後方治身面洪腫甘遂末二錢以雄猪腰子一枚分作十片人末在內濕紙包煨令熟每日服一片至四五服當覺腹鳴小便利是其效也一方治水腫以甘遂末塗腹遠臍內服甘草湯其腫便消二物相反而感應如神

甘遂與甘草反破癥結積聚如神退面目浮腫立效痰飲痞滿水結胸中並能毆逐蓋氣直透所結之處專於行水致決利從穀道而出大寔大水可暫用之但用斟酌切勿妄投攻逐極效

則損真元亦極速也

○白芨得季秋之氣兼金水之性故味苦辛平微寒無毒辛為金味收為金氣苦能洩熱辛能散結故治敗疽死肌散結逐腐生新之要藥既能斂毒排膿生肌長肉又治打跌

骨折酒調白芨末二錢服之其功不減於自然銅古銖錢也

白芨惟熬膏敷功專收斂然收中有散又能排膿去潰瘍敗疽死肌腐肉敷山根止衄塗疥瘡

殺蟲古方有用以作丸治肺葉傷破出血亦能如潰疽長肉平滿耳

○白斂得金氣故味苦辛甘平微寒無毒苦則泄辛則散甘則緩寒則除熱故主敷散癰腫疔瘡火毒散結止痛之要藥也若癰疽已潰不宜服以其性寒也

白斂反烏頭散結氣止疼治女子陰腫乃係外科要藥敷背癰疔腫神丹

白頭翁味苦辛寒無毒辛能散苦能泄寒能除熱所以外治溫瘧寒熱瘰癧諸瘡內治毒刺牙疼鼻衄諸血皆平散除熱之功也

白頭翁主溫瘧陽狂寒熱癥瘕積聚腹疼逐血愈金瘡毆風煖腰膝消瘰癧癭瘤小兒頭禿纏

腥兩鼻衄血神效男子陰疝偏腫百節骨痛殊功赤毒痢必用牙齒疼亦除塗疔腫癰症圍毒

氣散漫

商陸

味辛性平有大毒入脾行水有排山倒岳之勢胃弱者禁之赤者搗爛入麝貼臍即能利小便消腫若脾虛誤用消後復作不可救矣

商陸其性下行通大小腸腫滿小便不利者殊功。瘰癧如石者亦效。白根可用。赤者殺人。白專

利水赤惟貼腫並臻奇功。

王不留行

稟土金火之氣故味苦辛甘平氣溫無毒苦能洩辛能散甘入血溫能行故主金瘡止血癰疽惡瘡諸症

王不留行主金瘡止血逐痛善通乳催產調經除風痺風痙內寒消乳癰背癰外腫。但孕婦勿

服。

按王不留行喻其走而不守。雖有王命不能留其行也。古云穿山甲王不留。婦人服子乳常

流乃行血之力也。失血崩漏孕婦忌服。

靈芝草

靈芝草色分六品。味應五行。

青芝應木專補肝氣與仁恕。強志明眼目安魂。

赤芝應火善

養心神增智慧不忘。開胸膈除結。

白芝應金益肺定魄止欬逆潤皮毛。

黑芝應水益腎啟

癰利二便通九竅。

黃芝與黃金類。嵩嶽山多紫芝應土。咸逐邪益脾堅骨健筋悅顏駐色。六

芝俱主祥瑞。夜視光彩映人。燒不焦。藏不朽。久服延壽。常帶辟兵。世所難求。醫絕不用。但附其

說。俾識其詳。

旱蓮草

一名鱧腸又名金陵草。稟北方坎水之氣。故汁玄黑。其味甘酸平而無毒。純陰之

傳之立已齒不固者擦之能安。皆涼血益血之驗也。

旱蓮草染白髮回烏。止赤痢變糞。鬚眉稀少。可望速生。而繁。火瘡發紅。能使流血立已。但性冷。陰寒之質。雖善涼血。不益脾胃。若不同薑汁椒紅相兼修服者。必腹痛作瀉。攝生家妙方。取旱蓮草根一斤。無灰酒淨洗。青鹽四兩。醃三宿。同汁入油鍋中炒存性。研末。日用擦牙。連津嚥之。能烏鬚固齒。

甘蕉根

稟地中至陰之氣。以生故味甘。氣大寒。無毒。入足陽明經。凡膏末之變。發為癰腫。胃強脾弱。及陰分腫毒。則大寒之性。亦宜慎之。

甘蕉根

出川蜀閩廣結子者。是非近處巴蕉也。

絞汁服。主天行狂熱。悶煩。誤服金石。燥渴。產後脹悶。奇效。悉採搗爛。敷去小兒赤遊丹毒。大人發背癰疽。風疹頭瘡。神功立應。蕉油煩渴。飲瘥。鬚髮塗黑。暗風

癰悶。暈欲倒。急飲下。一吐便甦。子可作果食。每蒸熟。取仁潤心肺。生津通血脉。填髓。芭蕉

根性雖相類。醫方不載。拯疴。但汲其油。亦能黑髮。

金星草

金星草解毒消腫。專理外科。凡百初起惡瘡。但諸未潰。陽毒沿頸。癩癧。發背癰疽。或剉者酒服。或研末酒吞。或煎汁洗。或搗爛敷。並建神效。根搗真麻油塗頭。大生毛髮。

佛耳草

佛耳草。俗呼黃蒿。人每採搗和米粉作糰。柔軟香美。夾藥晒乾。以款冬為使。治寒嗽及痰。尤去

肺寒。大升肺氣。切勿通服。損目失明。

鳧茨俗名葶藶。主產後血悶攻心。理產難子胞不下。壓丹石。除胸膈痞氣。下石淋。退面目黃疸。風腫能消。痺熱堪却。開胃進食。益氣溫中。性善毀銅。着之即碎。為消堅削積要藥。孕婦食動胎。小兒食臍痛。

水萍。專得水氣之清陰。故味辛酸。氣寒無毒。其體輕浮。其性清燥。故能散皮膚之濕熱。而下水。勝酒消渴。發汗之需也。

水萍背而俱青。而小者名藻。面青背紫。而大者為萍。入藥用萍。七月半採。置篩架水晒乾。研末。

蜜丸。彈大。一切攤風中風。空心酒服三丸。發汗驟來。毆風速退。仍治時行熱病。堪浴遍身瘡癢。

消水腫。利小便。發汗力比麻黃。下水功同通草。苟非大實大熱。表虛自汗者勿用。歌云。天生靈。

草無根幹。不在山間。不在岸。始因飛絮逐東風。紫背青皮飄水面。神仙一味去沉疴。採時須在。

七月半。怕甚癰風與大風。些小微風都不算。豆淋酒內服三丸。鐵鑊頭上也出汗。

貫衆。味苦微寒。有小毒。寒能泄熱。苦能殺蟲。故治腹中邪熱。諸毒諸蟲。濕熱所生之病也。疫氣時行。以此置水中。令人飲之。則不傳染。

貫衆殺三蟲。毆諸毒。破癥瘕。除邪熱。產後崩淋。金瘡鼻血。

蚤休。味苦寒。入肝經。

蚤休一名金線重樓。一名紫河車草。其根似肥薑。治驚癇。搖頭弄舌。濕熱發腫。作瘡。下三蟲。解。

百毒。或摩酒飲。或摩醋敷。古人歌云。七葉一枝花。深山是我家。癰疽如遇此。一似手拈拏。觀此。

則善治癰毒之功可知矣。

蘭茹。味鹹辛。寒有毒。

蘭如其黑如漆故又云漆頭去惡血治癰疽作散頻敷肉滿便止破癥瘕殺疥蟲逐敗瘡死肌除大風熱氣又草蘭其根色白主治相同

衛矛

衛矛一名鬼箭羽任煎湯液專治女科能墮妊娠善療血氣遣邪祟殺蟲毒破癥結通月經腹滿汗出立瘳崩中下漏即止消皮膚風腫去腹臟白蟲產後血絞肚痛殊功惡症卒暴心痛捷效

羊躑躅

味辛温有大毒性極發散能祛諸風寒濕故善治惡痺然非元氣壯實何能當此毒藥必同安胃和氣血藥用乃可故曰氣血虛人息之不可近眼

羊躑躅又名黃杜鵑主風濕藏肌肉裏澱澱痺風在皮膚中淫淫掣痛鬼症蟲毒並治温瘧惡毒齊啟

藜蘆

稟火金之氣以生故味苦辛微寒有毒苦為涌劑故使邪氣痰熱胸膈部分之病悉不入湯惟中蟲毒惡氣胸有痰飲者借此上涌宜吐之力獲效一時否則徒令人胸中悶亂吐逆不止大傷津液戒之

藜蘆反五參細辛芍藥惟作散用不可煎湯吐上膈風涎治暗風癩病主頭禿疥瘍療腸癖瀉痢殺諸蟲愈毒去死肌愈惡癰喉痺不通風痰上壅亦能醫馬塗癖并敷馬刀爛瘡

葇蓉子

葇蓉子又名天仙子有毒主風癩顛狂濕痺拘急助足健行理齒蛀蝕久服輕身走及飛馬炒熟有益生則瀉人別說云煮一二日尚入土萌芽用者宜審也

續隨子又名千金子又名拒冬實味辛氣溫有毒辛溫之性以功積聚脹滿痰飲諸滯以

禁用宜去油入藥

續隨子治一切宿滯積聚。敷諸般疥癬惡瘡。逐水利大小二腸。散氣除心腹脹痛。毆蟲毒鬼症。消痰癖癥。癥通月經。痰飲不可過服。防毒損人。

葦撥

葦撥消宿食下氣。除胃冷溫中。痰癖陰疝痛立毆。霍亂冷氣痰並却。禁水洩虛痢。止嘔逆醋心。得薑訶參桂為丸。治臟腑虛冷。腸鳴洩痢神效。久服損目。走洩真陽。

鬼臼

此得地之金氣而性復陰沉是以辛溫有毒乃陰草也。以類相從凡陰邪為害父。此陰草之異品除之更能去目翳喉結亦辛散之功耳。味甘似桂苦者稍劣。

乾苔

乾苔即處處地面青苔。療心腹悶煩。研調水飲。治霍亂嘔吐。採煎汁嘗。發諸般瘡疥殺蟲。下一切丹石去毒。但服不可過劑。令人少血痿黃。生老屋上名屋遊。利膀胱吊氣。及浮熱在皮膚間。生古牆側垣衣為名。主黃疸心煩。致暴熱攻脇胃內。生水石面名步釐。止洩痢。強胃氣。消穀溫中。生土牆頭名土馬駿。涼骨蒸。止鼻衄。敗毒毆熱。生井底名井苔。療水腫漆瘡熱瘡。生船底名船苔。治五淋鼻洪吐血。生山石名昔邪。去兒時熱驚癇。生瓦溝名瓦松。通女人經絡閉澀。

鬼督郵

鬼督郵主鬼疰卒忤中惡及百精毒去温瘧時行疫癘併心腹邪強脚胛益腎力腿腰諸疾並可毆除今人每以徐長卿代差混殊甚

蜀葵

蜀葵須分三種紅葵花治赤帶赤痢如神血燥兼治白葵花毆白帶白痢速效氣燥亦毆子能催生墮胎療淋澀水脛下胞衣通乳汁一切瘡癬疥癰研末敷之黃蜀葵花各種催生產尤靈敷金瘡更驗子炒研調酒亦催產捷方

大青稟至陰之氣故味苦氣大寒無毒專治大行熱毒頭痛口瘡

大青仲景書內每每擅名傷寒熱毒發斑有大青四物湯飲效傷寒身強脊痛有大青葛根湯服靈又單味大青湯煎治傷寒黃汗黃疸天行時疫尤多用之仍晉腫癰且解煩渴若脾弱虛寒者勿服小青異種土人用治癰瘡取葉生搗敷上

王瓜稟土中清肅陰寒之氣故味苦氣寒無毒而除濕熱熱毒

王瓜一名土瓜根子兩用治小便遺溺不禁潤心肺解蟲毒卻黃病黃疸用子宜生療下利赤白雜來毆腸風除肺痿止血溢血治用子須炒根搗汁去小兒閃癖痞滿及天行熱疾發狂痰瘡暴生並取服效惟少為奇多則吐下根煎湯服破婦人血癥堅癥併撲損瘀血作痛乳汁不下俱當飲之過多不妙仍逐骨節中伏水更消頂頸上癭瘡去濕痺痠疼散癰疽焮腫通經墮

孕。益氣愈龍耳

。單麻子

得土金之氣故其味甘辛氣平有小毒其力長於收吸故拔病氣出外自膿取毒

既能吸氣又能通竅且體質多油而有毒凡脾胃薄弱大腸不固之人慎勿輕用服餌
凡服草麻子者一生不得食豆犯之必脹死其油能伏丹砂輕粉
取草麻油法用
草麻仁五升搗爛以水一斗煮之沫浮於湯面即做起
待沫盡乃止去水以沫煎至點燈不炸滴水不散為度

單麻子敷無名腫毒吸出有形滯物刺骨立起膿血盡追塗口眼喎斜即牽正後元一效即去

久則反損塗足心下胎季子胞塗巔頂收生腸肛脫通利開竅勿輕服餌

草麻子去殼同紫背天葵等分清入砂器中煮半日空腹時與病人嚼下自十五枚至念

一枚瘰癧久久自消一人病偏風手足不舉用此油同羊脂麝香鯨鯉甲等藥煎作摩膏

日摩數次一月餘漸復兼服搜風養血化痰之劑三月而愈一人病手臂一塊腫痛亦用草

麻搗膏貼之一夜全愈一婦產後子腸不收搗仁貼其丹田一夜而上此藥外用累奏奇

功但內服不可輕率耳又方治口眼喎斜草麻子仁搗膏左貼右右貼左即正正即否之

否則反害又婦人良方亦治前證用草麻子仁七七粒研作餅右喎安在左手心左喎安

在右手心知以銅盂盛熱水坐藥上冷即換五六次即正也風氣頭痛不可忍者乳香草

麻仁食鹽等分搗餅隨左右貼太陽穴解髮出氣即止又方草麻仁半兩棗肉十五枚搗

塗紙上捲筒插入鼻中下清水涕頭痛即止又方治鼻塞不通用草麻仁三十粒大棗去

皮一枚搗勻綿裏塞之一日一易三十日聞香臭也一方治舌上出血用草麻子油紙捲

燒烟薰鼻中自止。一方治舌脹塞口。用草麻子仁四十粒去殼。研油塗紙上。作燃燒烟薰之。未退再薰。以愈為度。有人舌腫出口外。一村人用此法而愈。急喉痺。牙關緊急不通。以草麻子仁研爛。紙捲作筒。燒烟薰吸。即通。或只取油作搽。尤妙。名聖烟筒。一方催生下胞。用草麻子七粒去殼。研膏塗脚心。若胎及衣下。便速洗去。不爾則子腸出。即以此膏塗頂。腸自入也。一方難產。取草麻子十四粒。每手各握七枚。須臾立下也。一方子宮脫下。用草麻仁枯礬等分為末。安紙上托入。仍以草麻仁十四粒研膏塗頂心。即入。又治盤腸生產。塗頂方同上。一方治一切腫毒痛不可忍。用草麻子搗敷即止也。

狼毒

狼毒破積聚痰癖癥瘕。去惡瘡鼠瘻疽癰。逐咳逆上氣。殺蟲毒鬼精。走獸飛禽亦堪殺害。

預知子

感陰寒之氣以生。故味辛氣寒。無毒。凡蟲毒多辛熱之物所造。故宜苦寒以泄其熱。毒既解。則蟲不靈矣。何況濕熱所生之虫乎。此草中之有靈性者。故又名仙詔子。聖知子。聖先子。蜀人責重亦云。難得。以二枚綴衣領上。遇蟲物則聞有聲。當使知之。有皮殼。其寔如兒。莢子入藥。去皮研服。其根味苦。性極冷。其效更速。山民目為聖無憂。冬月採陰乾。石白搗。夫水煎服之。神治蟲毒中惡。天行温疾。止煩悶。利小便。一切蛇蟲蠶傷。

預知子服須去皮研細湯下。殺蟲誅蠱。諸毒並毆。但苦寒能利。凡病人脾虛作瀉者勿服。根

搗水煎獲效尤速

預知子丸治心氣不足。精神恍惚。言語錯妄。驚悸煩鬱。憂愁慘憾。善怒多恐。健忘少睡。夜多異夢。寤即驚。魔或發狂。暴眩。不知人。並宜服此。預知子去皮。白茯苓。枸杞子。石菖蒲。茯神。枳寔。人參。地骨皮。遠志。山藥。黃精。丹砂等分。為末。煉蜜丸。芡寔大。每嚼一丸。人參湯下。

防葵

防葵主膀胱熱結尿溺不通。治鬼瘡癩癩驚邪狂走。疝瘕腸泄堪理。小腹支滿能散。強志除腎邪。益氣堅筋骨。血氣瘤大如椀。摩醋塗上即消。中火者不可服之。今恍惚如見鬼狀。

百花草

百草花主百病長生。神仙亦煮花汁。釀酒服之。異類云。鳳剛者。漁陽人也。常採百花水漬封泥埋之百日。煎為丸。卒死者納口中即活。胡剛服藥百餘歲。入地肺山。列仙傳云。堯時赤松子服之得仙。

按百草花當取羣章中之芳烈者。大都百花必在春時。春者天地發生萬物之氣也。花者華也。因得天地發生之和氣。抽其精英而為花。故主百病長生。神仙亦煮花汁釀酒服。昔有採百花水漬泥封埋之。百日煎為丸。卒死者納口中即活。其功可驗矣。

馬勃感土金之氣而生。故味辛氣平無毒宜其主惡瘡馬疥凍瘡喉脾久嗽皆辛散之功也。

馬勃主惡瘡馬疥。走馬喉痺。止久嗽。愈凍瘡。云馬屁勃者。即蝦有性成灰也。

烏爹泥

烏爹泥一名孩兒茶出雲南暮雲楊地方。造之本是細茶末。入竹筒中埋烏泥溝中。日久取出搗汁熬製而成。潤澤者為上。焦枯者次之。故味苦瀋氣寒無毒。其主清上膈熱。化痰生津者。茶之用也。本是茶末。又得土中之陰氣。能涼血清熱。故主金瘡止血。及一切諸瘡。生肌定痛也。且苦能

燥。滑。能。斂。故。又。主。滲。濕。收。斂。也。

藪

藪俗名魚腥草

生於下濕之地。得陰中之陽。故其味辛氣溫。入手太陰經。能治痰熱壅肺。發為肺癰。吐膿血之要藥。然肺主氣。辛溫能散氣。故多食令人氣喘也。肺與大腸為表裏。大腸濕熱盛。則為痔瘡。用此煎湯薰洗。仍以渣敷患處。則濕熱之氣散而自愈矣。故又為痔瘡必用之藥。

樟腦

樟腦得純陽之氣。其味辛。其氣熱。初時以水煎成。後得火則焰熾不息。其稟龍火之性者乎。氣亦香竅。能通利關節。逐中惡邪氣。復能去濕殺蟲。燒烟薰衣席。辟壁虱。蛀蟲。為末踏足心。療寒濕脚氣。凡一切疥癬膿窠。風瘙濕毒。瘡瘍。外用之藥。所必需者也。

木芙蓉

木芙蓉稟夏末秋初之氣。故其味辛。辛屬金化。故能清肺。其氣平平。即涼也。故能涼血散熱。解毒。專治一切癰疽腫毒。惡瘡。排膿止痛。其花陰乾。治小兒疳積如神。凡癰疽腫毒。重陽前取芙蓉葉陰乾。研末。端午前取蒼耳燒存性。等分研末。蜜水調塗四圍。其毒自不走散。名鐵井欄。最妙。

烟草

烟草閩產者佳。辛溫有毒。治風寒濕痺。行滯氣。停痰。辟山嵐瘴霧。洗膿窠疥蟲。人以代酒。代茶。

終身不厭。厭則病來。嗜則病愈。醒能使醉。醉能使醒。其氣入口。頃刻而周一身。令人遍體俱扶。
 似乎通氣血而揚榮衛者矣。故一名然火氣薰灼。耗血傷神。故禁寒散熱則有功。若火症陰虧
 者所宜禁也。



